



DISSERTATIO MEDICA
INAUGURALIS,
DÈ
HYDROPE ANASARCA.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, S.S. T.P.
ACADEMIAE EDINBURGENAE PRAEFECTI;

NEC NON
Amplissimi SENATUS ACADEMICI Consensu,
Et Nobilissimae FACULTATIS MEDICAE Decreto;
PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT
JOANNES SMYTH, A. B.
TRIN. COLL. DUB.
HIBERNUS;

SOC. MED. HIB. OLIM SOCIUS,
SOC. PHILOSOPHICO-LITERAR. SOC. EXTRAORD.
NEC NON,
SOC. HIST. DUBL. ET SOC. SPECUL. EDIN.
SOC. HONOR.

AD DIEM 24 JUNII, HORA LOCOQUE SOLITIS.

*Denique pro vivo vitiatas sanguine venas
Lympha subit.*—

OVID. MET.

EDINBURGI:
CUM PRIVILEGIO.
APUD ROBERTUM ALLAN.

THE PRACTICE OF MEDICINE is one of the most honourable professions exercised among the sons of men;—a profession which hath been revered at all periods, and in all nations, and even held sacred in the most polished ages of antiquity. The scope of it is to preserve the being, and confirm the health of our fellow-creatures; of consequence, to sustain the blessings of society, and crown life with fruition. The character of a Physician, therefore, not only supposes natural sagacity and acquired erudition; but it also implies every delicacy of sentiment, every tenderness of nature, and every virtue of humanity.

SMOLLETT.

AVUNCULO SUO CARISSIMO,
G U L I E L M O S M Y T H,
ARMIGERO,
CUI DEBETUR
QUOD HUC USQUE
IN STUDIO LIBERALIUM ARTIUM
ET MEDICINÆ
PROGRESSUS EST,
BENEFICIORUM TALIUM ET TANTORUM
HAUD IMMÉMOR,
HOC OPUSCULUM,
ANIMO QUAM MAXIME GRATO,
D. D. C. QUE
J O A N N E S S M Y T H.

DISSERTATIO MEDICA

INAUGURALIS,

DE

HYDROPE ANASARCA.

AUCTORE, JOHANNES SMYTH.

HYDROPS ex iis morbis est qui vitae maxime infesti sunt, multum praeterea molestiae secum fert, saepissime homines afficit, et frequenter lethalis evadit; igiturque naturam ejus et curationem medicos probe cognoscere oportet. Quoniam omnes species Hydropis percurrere limi-

tes hujusmodi dissertationum prohibent, de specie tantum ANASARCA dicta, mihi disceptare in animo est.

MORBI DEFINITIO.

CORPORIS totius vel partis ejus intumescencia mollis, inelastica.

HISTORIA MORBI.

ANASARCA fere a tumore pedum ac malleolorum, qui vespere praecipue observatur, initium sumit, praesertim si aeger diu steterit, vel multum per diem ambulaverit ; mane vero plerumque evanescit, vel multum saltem imminuitur. Cutis pressurae vestigia retinet. Morbo progrediente tumor gradatim ascendit, femora, abdomen, thoracem, et postremo faciem, manus, et totum corpus occupans.

pans. Tumor pro corporis positione sedem mutat; aqua enim gravitate sua inferiores partes, magis quam superiores, petit. Palpebrae ita saepe tument, ut visus fere intercludatur. Tantum aliquando distenditur cutis, ut aqua per poros ejus stillet, vel cuticula in vesiculas elevetur, quae cito disrumpuntur, et sic ulcera sanatu difficillima producunt, superveniente haud raro gangraena. Functiones omnes nunc magnopere laeduntur. Ab initio morbi, urina copia diminuitur, et plerumque subrubra est, sedimentum lateritium copiose deponens. Cutis magis solito arida fit, et sitis perpetuo urget. Alvus plerumque astricta est, sed aliquando supervenit diarrhaea. Tussis sicca, noctu praecipue molesta, cum dyspnoea et anxietate aegrotum fatigat. Arteriarum ictus plerumque solito frequentiores, et nunc parvi et debiles, nunc tardi et irregulares sunt. Symptomata omnia nunc ingravescent. Aegri vires magnopere franguntur, ita ut muscoli vim contrahendi amisisse videantur. Aegrotus nausea frequenter vexatur, syncope aliquando superveniente; et, aucta jam spi-

randi difficultate, vix decumbere potest. Febricula fere continua miserum opprimit ; et, debilitate magna accedente, tandem e vita tollitur.

DIAGNOSIS.

INTER morbos qui speciem Anasarcae prae se ferunt, praecipui sunt POLYSARCIA et EMPHYSEMA.

POLYSARCIA ab ea facile his signis distingui potest. In Polysarcia tumor impressionem digiti non retinet, nec sedem pro corporis positione mutat ; gradatim praeterea accedit, originem a victu lautiore plerumque ducens ; fitis quoque non augeatur, nec diminuitur urina.

EMPHYSEMA, quamvis primo intuitu cum Anasarca confundi posset, tamen satis ab ea dignoscitur sono crepitante, qui pressura partibus affectis adhibita

adhibita percipitur; et ex eo quod Emphysema repente invadit, haud ita Anasarca.

C A U S A P R O X I M A.

C A U S A hujus morbi proxima, in aucta exhalatione, aut diminuta absorptione fluidi ferofi consistere videtur. Arteriae enim exhalantes humorem ferofum vel aqueum constanter effundunt, quo omnia corporis cava irrorantur. Ne vero hic liquor stagnetur, vel ultra modum accumuletur, cavent vasa lymphatica, quae eum constanter absorbent. Igitur si augeatur exhalatio, non diminuta absorptione; vel diminuatur absorptio, exhalatione eadem manente; vel demum si augeatur exhalatio, et simul diminuatur absorptio, necesse est ut fiat accumulatio fluidi ferofi, et superveniat Anasarca.

CAUSAE REMOTAE.

HAE in PRAEDISPONENTES et EXCITANTES
jure dividuntur.

CAUSAE PRAEDISPONENTES.

PRAECIPUAE sunt vita sedentaria, aetas pro-
vecta, diaeta tenuis, liquorum spirituosorum usus
immodicus, aer frigidus ac humidus, evacuationes
copiosae et frequentes, excretionum suppressio, et
affectus animi deprimentes.

CAUSAE EXCITANTES.

HAE sub duobus capitibus complecti possunt:—

I. EXHALATIO AUCTA.

II. ABSORPTIO IMMINUTA.

I. Ex.

I. EXHALATIO AUCTA.—Quae oritur ab his causis fequentibus :

1. Ab omnibus quae recurſui ſanguinis venoſi reſiſtunt. Impedimenta talia oriri poſſunt a venis compreſſis tumoribus, &c. vel polypis in venis exiſtentibus ; item a cordis polypo, vel hepatis vel pulmonum obſtructionibus.

2. Ab omnibus quae copiam praeternaturalem fluidi ſeroſi in vaſis ſanguiferis accumulanti. Talis accumulatio oriri poteſt a liquidis praeter modum ingeſtis, item ab interruptis, vel ſuppreſſis his excretionibus, quarum ope pars ſanguinis tenuior e corpore tranſit, quales ſunt ſudor et urina. Oriri quoque poteſt ab inſolita et nimis larga evacuatione, praecipue a ſanguinis abſtractione.

3. A ruptura lymphaticorum vel ſaccorum, quae quamvis cauſa Anaſarcae raro exiſtat, tamen non deſunt exempla quae oſtendunt eam huic morbo aliquando anſam praebuiffe.

II. ABSORPTIO IMMINUTA.—Quae oritur,

1. Lymphaticis ipsis, vel glandulis eorum obstructis. Haec obstructio pro causa Hydropis vix haberi potest, nisi aliis causis sibi simul adjunctis; nam lymphaticorum anastomoses adeo sunt frequentes ut huic incommodo occurrere facile possunt; tamen nihilominus certum est absorptionem hac causa, quamvis non in totum supprimi, multum diminui posse, et sic morbo favere.

2. Venarum obstructione in iis partibus lymphaticis carentibus. Anne haec causa vero unquam existat forsan dubitari potest, quoniam ab analogia admodum probabile est nullam corporis partem vasis lymphaticis in totum carere, quamvis, ut in cerebro, sensibus nostris non obvia sint.

3. A lymphaticorum atonia. Haec a debilitate universali oriri potest.

RATIO SYMPTOMATUM.

I. “ANASARCA fere a tumore pedum ac
“ malleolorum incipit.”—Artuum inferiorum tu-
mor ab humore in membranam cellularem effuso
pendet ; namque aqua vi gravitatis ima semper pe-
tente, cellulisque secum invicem libere communi-
cantibus, necesse est tumor partes inferiores primo
occupet.

II. “Cutis pressuræ vestigia retinet.”—Aqua,
pressura adhibita, in vicinas partes confugit ; igitur-
que cutis digito prementi facile cedit : tono vero et
elasticitate sua fere in totum amissis, haud cito re-
silit, et igitur vestigium digiti pro aliquo tempore
retinet.

III. “Cuticula in vesiculas elevatur, quae ci-
“ to disrumpuntur, et sic ulcera sanatu difficillima
“ producant, superveniente haud raro gangrae-

“ na.”—Serum diu in membrana cellulari stagnans, et acrius factum, cutem erodit, hinc ulcera : Gangraena oritur a debilitate, atonia, et flacciditate partium.

IV. “ Urina copia diminuitur.”—Pars sanguinis serosa vel aquea, quae per urinam e corpore ejici debet, in membranam cellularem effusa, necessario quantitatem urinae diminuit : renum debilitas praeterea, aliqua saltem ex parte, ad eundem effectum producendum conducere potest.

V. “ Cutis magis solito arida fit.”—Ab exhalatione per cutem impedita hoc effici videtur.

VI. “ Sitis perpetuo urget.”—A faucium et linguae ficcitate oriri potest, et hoc a partibus sanguinis aquosis in telam cellularem effusis pendet.

VII. “ Tussis sicca cum Dyspnoea.”—Hoc effici videtur pulmonum compressione, sanguinisque
difficili

difficili per eos transitu ; interdum vero ab aqua, in thoracis cavum effusa, proficiscitur.

VIII. “ Arteriarum ictus plerumque solito frequentiores, et nunc parvi et debiles, nunc tardi et irregulares sunt.”—In initio morbi, cum corpus langueat, pulsus regularis, quamvis debilis est ; progrediente tamen morbo, febris lenta plerumque accidit, unde pulsus frequens et irregularis fit.

PROGNOSIS.

HAEC a causarum notitia, symptomatum violentia et duratione, simul ac aegri aetate, viribus, corporisque constitutione deducenda est. Si morbus ab evacuationibus solitis suppressis initium habuerit, ut ab urina vel perspiratione impedita, vel ab ulla causa, cui facile occurre possumus ; si malum haud diu persistiterit, et symptomata gravia ut urinae parvitas, sitis magna, dyspnoea, &c. absint ;

si aeger nondum aetate sit longe provectus, nec morbis antecedentibus vel intemperantia fractus, faustum exitum forsan praesagire licet. Si vero morbus ab obstructionibus hepatis vel aliorum viscerum originem duxerit, vel jam inveteraverit; si symptomata gravia, qualia tussis, dyspnoea, sitis, febris, &c. urgeant, et si aegrotus aetate provectus sit, viribusque ejus fractis, prognosis infausta sit oportet.

METHODUS MEDENDI.

CONSILIA hujus morbi medendi tria esse videntur:—

I. CAUSAS EXCITANTES TOLLERE.

II. AQUAM EFFUSAM EVACUARE.

III. TONUM SYSTEMATIS RESTITUERE.

CON-

CONSILIUM PRIMUM.

I. CAUSAS EXCITANTES TOLLERE.

Aliquae sunt causae excitantes, ad quas removendas, ut antea dictum, nulla valent consilia, nulla valent medicamenta ; polypus cordis, exempli gratia, vel offlicatio valvularum ejus. Si morbus oriatur a scirrho hepatis, vel alius visceris, ut saepe evenit, ut amoveatur obstructio summa ope niti oportet. Inter medicamenta huic fini respondentia, praecipua sunt chrystalli tartari, hydrargyrum et cicuta. Haec aliquando, quamvis raro, huic vitio occurrunt. Si igitur diu perstiterit morbus, et a scirrho pendere videatur, ad haec et hydrargyrum imprimis confugiendum est. Si morbus ex suppressione ullius excretionum naturalium originem duxerit, summa opera danda est, ut restituatur. Aegrum imprimis quoque admonere debemus,

bemus, ut causas quae ad morbum augendum valent, quam sedulo vitet; qualia sunt victus tenuis et aquosus, desidia, ebrietas, venus immodica, &c.

CONSILIUM SECUNDUM.

AQUAM EFFUSAM EVACUARE.

Duplici ratione perficitur consilium hocce; humor enim effusus evacuari potest vel viis arte factis, vel per remedia vasorum excernentium vim stimulantia et augmentia. Variis modis arte detrahitur aqua, nempe, VESICATORIIS, FONTICULIS, et PUNCTURIS.

VESICATORIA.—Haec a nonnullis medicis laudata fuere; tamen alii, haud immerito, ut videtur, eorum usum improbant, quoniam gangraena eorum applicatione induci potest.

FONTICULI.—Hi quoque gangraenam inducere solent, praesertim morbo provecto, cum partes flaccidae sint; tamen aliquando in initio, infra genu facti, haud inutiliter adhiberi possunt.

PUNCTURAE.—Puncturae omnium horum remedium optimae sunt; nam aquam non solum cito detrahunt, sed etiam partibus labem minorem inferunt. Cum hoc modo aquam evacuare cupimus, optimum est ut puncturae parvae fiant, digitosque duos inter se distantes; primum supra genu; deinde, si necesse fuerit, ad partes inferiores gradatim et caute descendendum est; quo enim longius a corde distent incisiones, eo majus est gangraenae periculum. In hoc faciendo cura maxima adhiberi debet, ne venae, nervi, aut tendines vulnerentur; partibus quoque incisis mitius aliquod unguentum, ut ceratum commune, applicari debet. Si gangraenae appareant signa, remedia externa, ut foci calidi, stimulantia, &c. interna quoque, ut cortex peruvianus et vinum, liberaliter adhiberi debent.

Nunc de remediis aquosas secretiones augmentibus differendum est. Haec sunt EMETICA, CATHARTICA, DIURETICA, SUDORIFICA, et SIALAGOGA.

EMETICA.—Cum exempla quaedam non desint vomitiem spontaneam aliquando morbum curasse, ita arte excitata utilis est. Emetica, quanquam remedia dubia, et forsan non periculo vacua esse apparent, nihilominus vero aliquando certe haud parum profunt, vim vasorum lymphaticorum absorbentem augendo, ut fluxus urinae aliquando subsequens evidenter testatur. Aliquando, ut docemur in Clinicis Factis Doctoris HOME, ita profuerunt emetica, ut quantitas aquae magna eorum usu ex ventriculo rejecta fuit. Morbo igitur incipiente, nisi dyspnoea vel comatis signa usum eorum vetuerit, forsan non sine commodo usurpari possunt. SYDENHAMUS clarus multum fiduciae in emeticis collocavit, et croco metallorum, qui tum movet vomitum, tum alvum purgat, usus est. Sed
in

in omni exemplo aegroto molestiam facessit, et in hydrothorace periculo non vacat.

CATHARTICA.—Cathartica sæpenumero prospero cum eventu adhibentur. Haec in classes duas dividi possunt; in *Acria* scilicet, et *Mitia*.

Acria.—Haec, quanquam olim magnopere laudabantur, tamen rarius praescribuntur, quia corpus ultra modum debilitando malum augere possunt. In initio tamen morbi, cum vires pene intactae sint, cum fructu forsan uti possunt. Drastrictorum praecipua sunt, gambogia, jalapium, elaterium, et scammonium: Ex his, gambogia, et jalapium, cum Mercurio dulci confociatum, plerumque praescribuntur. Medicamenta hujusmodi singulis diebus, vel intervallis quam brevissimis, quod alioquin morbum potius augeant quam levent, summus iussit SYDENHAMUS. Hoc in modo nihilominus data summam debilitatem faciunt, et igitur ad mitiora, quae vires aegroti non adeo convellant, et aliquamdiu uti possunt, confugiamus oportet.

Mitia.—Haec sunt sales neutrales, quorum optimi videntur esse chryſtalli tartari, qui ſatis magnis doſibus, et frequenter repetitis, adhiberi debent; et ſic magnopere profunt, alvum leniter ciendo, urinamque movendo. Hoc remedium ſaepe a celeberrimo Profeſſore HOME, in Noſocomio Edinſi, optimo ſucceſſu uſum eſt.

DIURETICA.—Renes exitum aquae naturalem praebere videntur, igiturque haec remedia maximi momenti ſunt, et haud raro multum profunt. Omnibus aliis remediis facile antecellunt in eo quod corpus debilitate non afficiant, et ergo per temporis ſpatium longius, quam ullum aliud remediorum genus, adhiberi poſſunt. Praecipua medicamenta diuretica, et quae maxime laudantur ſunt, *Scilla*, *Chryſtalli Tartari*, *Digitalis*, *Nicotiana*, *Colchicum*, *Lactuca Viroſa*, *Allium*, et *Salis Alkalini*.

Scilla.—Hoc remedium a multis ſummis lau-

dibus

dibus effertur, et revera diureticum satis efficax esse videtur. Effectus optimos praestare videtur talibus dosibus ut nauseam incitaret data. Scillarum dosis, quoad quantitatem, admodum incerta est. Scilla exsiccata minus ventriculum turbat, et multo valentior est quam recens. CULLENO teste raro prodest, nisi dosi mercurii satis larga adjuncta; namque aliter saepe alvum movet, nullamque vim diureticam habet.

Chrystalli Tartari.—Hi in Nosocomio Edinensi summo cum fructu saepissime dantur, et, ut antea dictum, satis magnis dosibus, et frequenter repetitis, adhiberi debent; et sic magnopere profunt, alvum leniter ciendo, urinamque movendo. Ad hoc autem efficiendum magna aquae copia solvi debent; nam si quantitas aquae quae adhibetur parva sit, urinae secretionem haud valde promovent.

Digitalis.—Haec certe aliquando remedium

optimum reperitur; in ea vera exhibenda magnopere cavendum est, quoniam nonnunquam effectus vix non lethales edit, si incaute adhibeatur: dosibus igitur parvis incipiendum est, quae gradatim tantum augere debemus.

Nicotiana.—Hoc medicamentum a Doctore FOWLER multum laudatur; cura tamen magna in ejus administratione adhiberi debet, quoniam vi ejus sedativa haud aliter quam digitalis aliquando corpori nocet. Urinam certius movet, si prius vertiginis vel nauseae supervenerit sensus.

Colchicum.—Hoc primum celebravit Doctor STORCKIUS, ab aliis quoque medicis laudatur; tamen de ejus utilitate haud sine ratione dubitari potest. CULLENO judice, iners et inefficax est.

Lactuca Virosa.—Haecc a Doctore COLLIN medico Viennense, ob vires suas diureticas, multum laudatur.

Allium.—Quanquam vires diureticas haud dubie possidet, tamen multa alia fortiora remedia existunt. Pilulae ex allio confectae urinam non satis movent. Nuclei igitur ejus devorandi sunt, namque major quantitas hoc in modo sumi potest, certiusque augetur urina.

Sales Alkalini.—Vix diuretici sunt, nisi large assumpti, nam in dosibus minoribus adhibiti haud multum profunt; forsan quia tunc, ut CULLENUS celeberrimus conjicit, Alkali parva quantitate sumptum, cum acido ventriculi salem neutrum format. Dosem tamen eorum satis largam difficile dare est.

SUDORIFICA.—Haec remedia semper laudata fuere; eorum usui tamen objicitur, quod debilitatem systemati inferre solent: quoniam vero a perspiratione obstructa haud raro oriri videatur hic morbus, certe commoda haud exigua ab iis sperari possunt, quod experientia satis confirmat.

Pulvis ipecacuanhae compositus (vulgo Pulvis Doveri) cum liquore aliquo cardiaco, veluti potus, Anglice *Gin Punch* appellatus, omnibus aliis hujusmodi remediis palmam praeripit. Alia quoque, nempe tartarus antimonialis, et vinum antimoniale, vel solum, vel opio conjunctum, haud raro usurpantur.

SIALAGOGA.—Inter haec hydrargyrum praecipuum est; et exempla haud pauca ab auctoribus memorantur, ubi Hydrops ex ejus usu sanatus est. Effectum talem edere videtur, non solum salivam, sed alias quoque excretiones augendo, praecipue exhalationem per cutem. Scirrho hepatis, aliorumve viscerum substante, ad curationem morbi optime accommodatur.

CONSILIUM TERTIUM.

TONUM SYSTEMATIS RESTITUERE.

Remedia quae huic consilio optime respondent sunt DIAETA NUTRIENS, EXERCITATIO, MEDICAMENTA TONICA, FRICTIO et FASCIAE, BALNEUM FRIGIDUM, et AER PURUS ac SICCUS.

DIAETA NUTRIENS.—Haec nutriens et coctū facilis esse debet, qualis caro assa, panisque bene fermentatus. Pro potu, optima sunt vinum rubrum, et cervisia fortis, Londinensis dicta.

EXERCITATIO.—Maxima commoda ex hac oriuntur; tamen semper debet esse modica, ita ut corpus non fatiget. Optimum est, si vires aegri fiant, ambulare; sin minus, curru deferri, aut equitare. Navigatio quoque nonnunquam magnopere proficit.

MEDICAMENTA TONICA.—Horum praecipua sunt, cortex Peruvianus, chalybeata, et amara.—Vis tonica corticis Peruviani neminem latet; magis solet proficere si liberaliter adhibeatur; si vero ventriculus infirmus sit, dosis parva primo administrari debet, et deinde gradatim augeri potest. Quod chalybeata attinet, rubigo ferri, vel tincturae aequae bene ac ulla aliae ferri praeparationes conveniunt. Amara haud parum interdum profunt, quoniam dum totum corpus roborent, ventriculo praesertim vigorem consiliant.

FRICTIO et FASCIAE.—Frictio haud raro multum prodest. Panno laneo calefacto peragenda est, quem praestat oleo imbuere, ne cuticula abradatur. Frictionis effectibus haud parum favet lenis cum fasciis compressio, quoniam sic fibrae laxae sustinentur, et firmitudo et tonus aliquis solidis comparatur.

BALNEUM FRIGIDUM.—Hoc remedium tonicis maxime pollet viribus; eo tamen non utendum est, donec

donec aegrotus convalescere inceperit, et pristinas vires partim recuperaverit.

AER PURUS ac SICCUS.—Quum aer ficcus et purus hominibus ex omnibus fere morbis convalescentibus tot eximiis virtutibus gaudeat, vires reficiendo, fibris muscularibus tonum restituendo, et animo hilaritatem alacritatemque conciliando; et quum praeterea Anasarca ab aere humido ac impuro haud raro ortum ducat; nil mirum est igitur eum ab hoc morbo convalescentibus egregio remedio esse.

Dum hujusmodi remediis vires corporis labefactas renovare conemur, cura quam maxima adhibenda est secretiones et excretiones omnes promovere, praecipue perspirationis et urinae; et si aliquando praeter normam naturalem diminuantur, has restaurare, et ad debitum statum revocare, summa ope niti decet.

DISSERTATIO MEDICA

INAUGURALIS,

DE

VITÆ HUMANÆ GRADIBUS.

DISSERTATIO MEDICA
INAUGURALIS,
DE
VITÆ HUMANÆ GRADIBUS.

QUAM,
ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S.S. T.P.
ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI Consensu,
Et Nobilissimae FACULTATIS MEDICAE Decreto;

PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT

THOMAS JOSEPHUS BRYANTON,

A. B. T. C. D.

HIBERNUS;

SOC. REG. MED. EDIN. SOC.

AD DIEM 24 JUNII, HORA LOCOQUE SOLITIS.

And one man in his time plays many parts.

SHAKESPEARE.

*Multa ferunt anni venientes commoda secum,
Multa recedentes alimunt.*

HOR.

EDINBURGI:
CUM PRIVILEGIO.
APUD ROBERTUM ALLAN.

M,DCC,XCV.

*Ver proterit æstas,
Interitura, simul
Pomifer Autumnus fruges effuderit: et mox
Bruma recurrit iners.*

HOR.

FRANCISCO HOPKINS, M. D.

REGIS ET REGINÆ COLLEGII MEDICORUM

DUBLINII SOCIO, &c.

THOMAS J. BRYANTON.

S.

Quod nondum occubo crudelibus umbris, tuum est. Tu me, DEO favente, per morbos plurimos, graves, obscuros, quasi contrarios, et heu! quam longos constanti animo sustinuisti, et demum ad sanitatem perduxisti manu. Tibi, utique, cujus cura indefessa, et comitas amabilis me primum medicinæ studium optare, cujusque peritia, mihi clare spectata, id utilissimum, ideoque cultu dignissimum æstimare coegit, occasionem hanc quam lubentissime arripio me magnopere devinctum esse testandi. Accipias hoc parvum existimationis, amicitiae, gratique animi pignus, precor.

DISSERTATIO MEDICA
INAUGURALIS,
DE
VITÆ HUMANÆ GRADIBUS.

AUCTORE T. J. BRYANTON.

QUID velit *identitas* hominis, inter Metaphysicos diu et multum disputatum fuit; nec mirum, cum animi indolem et dotes, corporisque fabricam mutationes insignes a partu ad ultimam usque senectutem assidue subire spectemus; quapropter jure observatum fuit, nil magis diversum esse quam hominem quemque sibi.

Varietates quæ animo incidere vitæ decursu observantur, moresque ætati cuique proprios, scriptoris Ethici ac Scenici est notare ; et profecto quanto ingenii acumine Horatius, et quam concinne et ornatè hominum naturæ peritissimus iste Poeta SHAKSPEARE, depinxerunt eas, nemini ignotum. His, igitur, utpote ad meum studium parum attinentibus, prætermiſſis, mutationes quæ in corpore tantum gradatim et ordine progrediuntur, in opusculo ſequenti monſtrare juvabit ; et quædam de morbis, quibus ætates ſingulæ potiffimum ſunt opportunæ, ac de præſidiis in eos firmiſſimis, ſubjicere.

Particulæ corpus humanum conſtantes, revera non manent eædem per temporis ſpatium quantumcunque ; aliæ enim aliis continuo ſuccedunt, ita ut novies vel decies longa decurrente vita corporis materiem redintegrari, vero haud abſimile videtur. Hoc autem minus intereſt inveſtigare, ideoque rationes tantummodo novas partium, atque effectus ab iis oriundos, indagare ſtatui.

Ad hoc absolvendum, vitam in certa stadia, quantum fieri possit, diducere, perspicuitati haud parum inferviet. Eorum vero numerum, æque ac limites, authoribus diversis variè placuit determinare. Quibusdam vitam humanam in septem dividere stadia libuit, alii quatuor, alii rursus tria esse voluerunt : Juris-periti duo tantum agnoscunt. Mihi ab omnibus iis dissentire contigit, in sex enim gradus ætatis dividere, optimum fore videtur ; Infantiam, nempe, Pueritiam, Adolescentiam, Vigorem Ætatis, Senectutem Viridem, atque Senectutem extremam.

Primum horum vitæ portionem a natu ad dentitionem secundam complectitur ; proximum exinde ad pubertatem excurrit ; tertium anno quinto et vigesimo in maribus, paulo forsan maturius in foeminis terminatur ; quartum ex annis viginti sequentibus conflatur ; lustrum duodecimum in viris, decimum in foeminis, quintum claudit ; vitæ quod restat conficit sextum.

Hæc autem stadia exquisitè discerni minime vellem prædicare, quia cujusque initium calci tam

preſſe inſtat antecedentis, ut vix vel mente poſſit diſtingui. Præterea, citius aut ſerius in hominibus diverſis finiuntur ſingula, pro corporis habitu congenito, vitæ victuſque genere, animi indole, rebus proſpere vel adverſe cedentibus.

Sic qui, firma conſtitutione corporis præditus, frugi gnavique fungitur officio, qui bona valetudine utitur, quem animus non deficit æquus et hilariſ, cujus denique cæptis omnibus aſpirat fortuna, is demum longioribus ſtadiis fruetur. Harum idcirco diverſitatum e natura vel arte provenientium ratione habita, multa cum licentia vitæ qualemcunque diſtributionem admittere decet.

STADIUM PRIMUM.

INFANS jam natus, a ſeipſo in utero degente pluribus in rebus diſcrepat. Prius enim, liquore tepido blando circumfuſus, calorem et nutrimentum a matre quodam modo ducebat : nunc miſſa inertia, labores ſuſcipere, et cum rebus novis, variisſque luctari cogitur. Aëri ſtimulanti, et quantum ad

se spectat, frigido objicitur. Spiritum, igitur, inhalando et exhalando sanguinem parare, riteque conservare, calorem quoque magis abunde quam antea reddere, fit necesse. Vis nova oxygenis, per pulmones admissa, ei dat copiam hæc efficiendi. Ad has mutationes probe intelligendas, prius quærere oportebit quænam fætui sunt propria ; et quoniam hoc a proposito nonnihil abducet, quam paucissimis absolvam.

Sanguis per venam umbilicalem rite præparatus et defæcatus a placenta ad fætum revertitur, et ad auriculam cordis dextram, partim per hepar, partim per finum venosum, pervenit ; unde pars ejus in auriculam lævam per foramen ovale prope- rat, et hinc per sinistrum ventriculum in aortam effunditur. Reliqua pars ventriculum perfuit dextrum, et simul ac arteriam pulmonalem attigit, rivus se findit in duos ; quorum major cor lævum arterioso prætervehitur ductu, ut brevius in aortam effundatur ; minor alluit pulmones, et vena pulmonali excedens, cor intrat sinistrum, et sic deinceps per systema totum aorticum reliquo immixtus propellitur.

Pulmones ob aeris inopiam collapsi manent, ita ut sanguinis paucillum tantum transire sinunt.

Nutriminis aliquid per os assumere fætum, nondum est fatis compertum ; nec est revera cur credamus.

Hæc omnia, statim post partum, mutari incipiunt. Panditur et ampliatur cavum thoracis, ipsius nisu infantis, sive quasi quodam appetitu impulsu, sive oppressi et incitati præ sanguinis exitu solito per umbilicum denegato, sive vagiendi conatu ob aerem irritantem corpori tenero infueto admotum ; quævis demum cunque nifus sit causa, irruit per glottidem aer, ne spatium vacuum existat. Hinc, sanguinis copia major per ramos arteriæ pulmonalis admittitur, et temporis post aliquod, in eam sese penitus cor dextrum exonerat : unde in auriculam sinistram per venas rediens pulmonales, protinus per iter solitum transit in aortam.

Hinc est videre, quo viæ pristinae modo gradatim imperviæ redduntur : sanguis enim exitum promptiorem ex arteria pulmonali in pulmones, quam in canalem arteriosum, utpote oblique situm

et arctiorem, adeptus, posteriorem deferit. Quinetiam aorta, ob arterias collapsas umbilicales, infra canalem antedictum distensa; et sanguinis ob copiam novam illi e ventriculo sinistro influentem, supra canalem tumefacta, sanguinis ex eo egressui obstat, viamque coagulo finit obturari. Porro, sanguis jam plenius in auriculam sinistram e pulmonibus infusus, valvulam foraminis comprimit ovalis et claudit. Hoc iter tamen illo serius coarctatur, et in paucis quibusdam profecto nunquam ex toto deletur; et tales, sanguinis circuitum, respiratione interpellata, continuare valentes, urinatores eximii fieri solent. Et hic obiter licet observare, his viis per totam vitam apertis animalia amphibia frui.

Infanti in lucem jam edito, est corpus molle, macrum, rubicundum, laxum, vasculis undique scatens. Cor non solum amplum est, sed valide, et crebro admodum sese deplet. Venis tunicæ quam arteriis fortiores sunt atque densiores. Caput est magnum. Artus inferiores mirum in modum sunt exiles, vis quia sanguinis ingens, prius quam

quam ad eos pervenerit, divertebatur arterias ad umbilicales.

Cerebrum et medulla spinalis molis sunt ingentis, mollia autem ac pene fluida; nervi quoque universi sunt laxi, tenerrimi, et acutissimo præditi sensu.

Musculi apprime sunt imbelles. Quinimo ossa vix sunt nisi cartilagines, quamvis numerus eorum est insignis. In cranio, quidem, haud connectuntur, nec etiam ab omni parte se mutuo tangunt. Hinc in vertice apparet spatium, rhombum figura referens, tegmine omnino osseo carens. Alia quoque minora inter alia capitis ossa observantur. Profunt hæc spatia inter partum, capitis figuram mutari finendo.

Glandulæ omnes pro corporis mole sunt grandes, quarum una cavum ex toto summum implet thoracis, quosdam post annos evanitura. Cuinam vero usui glandula hæc inservit, quam Thymum anatomici nuncuparunt, Physiologos inter ambigitur adhuc: Nec fuitiles de ea recensere notiones expediet.

Renes e lobis distinctis constant. Clauditur meatus auditorius membrana subtili. Oculi sunt grandes : lentes chrySTALLINÆ, humores, et corneæ colore roseo sunt insignes. Hinc visum minus esse clarum conjicere licet. Pupillæ oculorum sunt patulæ ; et quidem lepidus et ethicus ille * pictor Anglus, cui fere nihil ingenium acre latebat, quique vultus humani mores ac lineamenta unice notabat, pupillas infantuli opinatus est eas adulti prorsus adæquare : Sed sibi illuisse mihi videtur.

Hæc autem omnia, protinus a partu, status formæque novas acquirunt. In stadio utique primo Thymus multum decrescit. Offa gradatim aliquid roboris adipiscuntur, et iis ope cartilaginum adnexa, quædam ossea crescunt additamenta, quæ Epiphy-ses vocantur. Offa cranii sibi invicem inferuntur, donec spatia membranæa deleantur. Hoc, in genere, post annum secundum perficitur ; multo ferius autem nonnunquam partibus in variis, varia post tempora, ossa plura in unum coeunt. Cor glandulæque parum pro rata parte crescentia,

B

minui

* Hogarth.

minui videntur. Minus minusque crebro quotannis arteriæ micant : Et earum extremæ, quibus tota cutis intertextâ roseum exhibebat colorem, delentur.

Anno primo obefus infans fieri solet ; unde articulorum quorumvis extensio rugas formare videtur : Et prima linea faciei, etiamque corporis totius, conficitur arcubus circulorum.

Cum autem exercitatione incipit uti, gracilior aptiusque compositus in dies evadit.

Arteriæ venaque umbilicales, nec non finus venosus et canalis arteriosus, sanguine pristino orbata sensim collabuntur, ac in ligamenta convertuntur.

Infans crescit, tardius equidem quam fœtus, mira tamen celeritate : Tantum scilicet tribus annis primis, quantum octo vel novem sequentibus. Sed artus inferiores imprimis augentur mole, propter vim sanguinis ingentem, quæ ab arteriis umbilicalibus in eos divertitur.

E gingivis infantuli semestris, inermibus adhuc, dentes prorumpunt anteriores, cibum novum indicantes, pauci profecto, sed misello cruciatum inferentes,

rentes, et longa malorum caterva sæpius stipati. Ordo vero integer dentium viginti raro ante annum secundum perfectum apparet.

Præ vi cordis et magnitudine, pariterque molli- tie solidorum cedente, corpus quod ad longitudi- nem indies, annis potissimum primis, tenditur. Præ causis iisdem, ipsarum mole glandularum magna juvante, secretiones omnes perficiuntur abunde, unde citissima est alvus. Causæ priori quoque cu- tis humidissima est tribuenda. Musculi infantum tendinibus perexiguïs instruuntur.

Hoc, ut et laxitas corporis universalis, magna ex parte, cibo forbili per annos plures conserva- tur.

Hoc existente stadio inter sexus minimum inter- est, organis genitalibus, e quibus discrimen inter eorum animos æque ac corpora pendere videtur, nondum absolute explicatis.

Ætas prima morti præ aliis est obnoxia. Hoc in urbibus magnis, confertis potissimum fit mani- festum. Sic pars dimidia natorum Londini, ante-

quam in luce tres annos sint commorati, lugubri fato abripiuntur.

Infantis equidem incauti, et solum plorare valentis semitam plures obsident morbi, casses ex occulto tendentes. Horum nonnulli congeniti, ab hora natali misellum exercent, cito plerumque conficientes, interdum vero longas per ærumas trahentes : alii per annum unum vel alterum insidiosè latent, donec viatorem opprimant inopinantem : Dum alii mox memorandi, crudeliores adhuc, flore gaudentes ætatis adoriuntur. Sed non solum cum hostibus cognatis prælium imbellis inire cogitur ; casus enim innumeri tenellum obiter laceffunt, atque in valetudinem conjiciunt.

Morbi potissimum infantibus formidandi sunt Aphthæ, Epilepsia, Hydrocephalus, Rachitis, et a vermibus alvum occupantibus irritatio. Horum omnium effugium nescio an impetrari possit, ni votis forsan aliquatenus responderet, nutricem comparare valetudine optima fruentem, lacti tempestive cibum aliquid fortiore, haud vero nimis acrem supponere, aera conclavis semper purum
fervare

fervare, puellum sub dio sæpius exercere, et omnidenique mane aquam in algidam immergere.

Durum a stirpe genus, natos ad flumina primum

Deferimus, sævoque gelu duramus et undis.

Hæc, si aliquid, Rachitidem imprimis avertent; idcirco cum quævis symptomata ejus adventum prænunciant, quæ jam præcepta sunt religiose observare decebit; imo fane, nullo in casu ea negligere fas est. Si Hydrocephalus sit formidini, fetaceum vel fonticulus sub occipite aliquid profit. Morborum supra dictorum medelam tractare a proposito prorsus abduceret.

His morbis annumerare licet Trifmum, Bronchocele, Anginam Trachealem, atque Anginam malignam. Horum primus his in regionibus raro occurrit: Secundus quodam sub cœlo vix est vitandus: Tertius admodum est infrequens, nec nisi mollius eductis, et subito frigori objectis, aut sub cœlo humidissimo degentibus, ut opinor, infestus: Contagione tantummodo ultimus concipitur.

Quandoquidem magnum per secretionem fit dispendium, et multo opus est cibo ad corpus, mirifice crescens, alendum, dum simul facile opprimitur stomachus tener; cibi appetentiam, jure importunam, victu crebro, sed modico, blando, et pro tenera ætate molli explere oportet. Sed mensibus primis, ut lac maternum sit alimentum præcipuum, et natura monstrat, et salus puelli matrisque postulat.

Infantulorum corpora ne fasciis involvantur, idonei quia motus thoracis et artuum ita nimis impedirentur. Nec vestibus calidis opus est, vix enim unquam, frigore admoto, aliquid mali patiuntur. Corpora eorum religiose fervare nitida, et decet et prodest.

Tempore quo dentes e membrana gingivarum vasculis abundanti et tenerrima exterebrantes angunt infantem, omni cura ab irritatione quavis, ideoque morbis contagiosis saluum præstare oportet.

Anno plerumque septimo sæpe quidem maturius, interdum multo serius dira et horrida Scro-

fula sese ostendit. Hujus magnitudo postulat morbi, ut non solum impetum facienti obviam eamus, sed etiam, si propter ipsum familiæ antehac infestum, vel temperamentum quod ei homines reddit obnoxios in puero conspicuum, anguem latere suspectum habemus, modis jam positis, corporis robur stabiliatur.

STADIUM SECUNDUM.

Cum jam septimum annum explevit, plura quæ fætum designabant, penitus evanuisse solent; qualia sunt foramen ovale, ductus arteriosus, sinus venosus, &c. Thymus etiam in molem exiguam contractus est. Stadio nunc inchoato durante, fibræ validiores fiunt omnes. Minus crebro micant arteriæ. Glandulæ ratam portionem ad cæteras partes debitam et permanfuram acquirunt. Corpus, artusque præsertim, quod ad longitudinem crescunt: Lentius vero quam annis proxime elapsis. Musculi magna ex parte flaccidi manent. Artus macri, præ motu indefesso; et perperam adhuc compositi.

compositi. Ossa stabiliora evadunt, dum *epiphyses* firmitus iis accrescunt. Renes, lobulis compressis, superficiem magis æqualem ostendunt.

Sexus parum hætenus inter se discrepant; utrisque cutis est depilis, pellucida, delicata; planæ mammæ; vox arguta; corporis universi mollis compago.

Dentibus pridem viginti tantum maxillæ instructæ, nunc octo et viginti novis ornantur.

Perpaucis hæc ætas morbis tentatur; *Irritabilitatis* infantilis, atque morbis undantis fibrarum tensionis virilis, pariter expers. Quandoque vermes profecto exercent, vel cutis papulis fœdatur. Cæteroquin, vix ullum epulas præter immodicas, vel exercitationem vires superantem, frigore præsertim temere corpori admoto, est verendum.

Excessus igitur jam recensiti cavendi sunt; et quibusdam lene quodvis catharticum (sicut Rheum cum Calomelane) certa post intervalla, est porrigendum. Minime tamen molliter vivere suaderem; sed teneris ab unguibus assuescant tolerare frigus atque laborem. Quem in finem, nil magis
corpus

corpus obfirmat, quam undis quotidie per tempestatum vicissitudines fidere omnes.

STADIUM TERTIUM.

ÆTATEM hanc, quam alma rerum parens consuetudinem ad sexuum gratissimam designasse videtur, omnibus, quæ ad decorum et amabilem conducant, ornavit. Sic Juvenis solet esse comis, hilaris, vultu nitido, oculis animosis, trunco et artubus apte et ornate compositis. Virgo, omni venustate affluens, forma tereti et elegantissima, rubore lucente in ore niveo formoso dulce ridenti, incessu decenti, moribus mansuetis, omnibus denique prædita illecebris, quæ animum concilient et captent, merito decus humani generis habetur.

Hac ineunte ætate plurima nova sese ostendunt, notabile inter sexus statuentia discrimen. Puerorum muscoli, eatenus molles laxique, firmiores fiunt, unde membra melius conformata videntur, et totum equidem corpus speciem meliorem acquirit. Mentum pubesque simul vestiuntur lanugine, pau-

cosque post annos gravibus pilis. Vox rauca, vultus virilis evadit. Grandescit inguen, crescunt testes, et idoneum secernere liquorem incipiunt: Et his quidem evolutis cæteras mutationes, puero jam puberi incidentes, tribuendas esse probabile videtur; quia iis exsectis, vel ætate provectiore marcescentibus, tota corporis species brevi vix distat a muliebri.

Puellæ, cum nondum tredecimum attigit annum, subeundæ sunt mutationes, diversæ quidem, haud vero minus insignes. Post enim universalis varia signa plethoræ, multaue exinde oriunda incommoda, aspera et difficilia perpeffu, mucus albidus ex utero paulisper profluit, cui sanguinis ipsius eruptio succedens, infuetam, pavidam, causæque incertam percellit. Tempore eodem turgescunt mammæ, verendaque pili velare incipiunt. Hæc ab ovariis nunc primum explicatis, auctis, ovaque secernentibus, haud est veri abfimile provenire: Quia mulieribus effectis, mentum pilis vacare, mammæque extare brevi definunt. Quinetiam fœmina, ovaria cui fuerant exsecta, (sit mihi fas audita loqui)

barba

barba horrida, crassa, musculis torosis, mammisque depressis facta est cito insignis; vigore si non virum, saltem semivirum æmulans.

Sanguinis copia, in fœtu capiti nutrimentum et incrementum suppeditando potissimum impensa, in ætate prima secundaque truncum et membra in longum tendendo versata, nunc, his magnam in partem confectis, in organa, quorum est genus in æva futura conservare humanum, quo ea rite ampliuntur, quo recessus eorum pandantur intimi, et liquores ad generandum necessarii secernantur, dirigitur.

Cæterum virgini alia adhuc, nec parvi momenti, commoda, hæc loca vis sanguinis magna occupans præbet. Effluit enim, qua via patet, ora per arteriarum uteri aperta, donec pondus ejus gravans omnino tollatur: Quod tamen certa post tempora rediens, effluvium simile in menses provocat, ejusque ita reditum in consuetudinem vertit. Fons sic uber sanguinis efficitur, quo gravida prolem nondum in lucem editum alat, et quo prorsus suppresso, tempore partûs novi scatent rivi sustentaturi

natum. Hi quidem diverſi ſunt generis, alioque in loco apparent, nexu tamen manifeſto cum priori vinciuntur, planeque ab uteri ſtatu prius deſcripto pendent.

Cur vero non tanta moles ſanguinis in ſexus genitalibus alterius exuberet, ſi quis quærat, a diverſa iſtorum, æque ac corporis totius fabrica deducam. Fœminæ imprimis ſunt arteriæ abundantiores quam viro, pro rato numero venarum, hinc (ob pauciores egrediendi vias quæ ſanguini patent) arteriæ ejus ad aperiendum ſunt procliviores. Hoc, vero, promptius in utero locum habet, ubi hæ adprime laxæ et tortuoſæ exiſtunt, dum venæ rigentes curſui ſanguinis obſtant.

Ad hoc, arteriis iſtis, ita tumidis, ora in cavum apertum hiant. Hæc omnia ſanguinis e pudendis fœminæis profluvio faventia, juveni prorfus deſunt.

Grandior tamen illo jam puber eſt plerumque, mollior quia corporis compages cordis vi pandenti levius reſiſtit; quod eam quoque reddit plethoræ magis opportunam.

Anno post pubertatem quarto vel quinto, adolefcere juvenis ut plurimum ceflat, et etiamnum levis ac gracilis, dehinc formam valentem stabilemque acquirit. Idem circiter tempus Thymus penitus evanuiſſe ſolet: nec non cartilagines, inter oſſa et capita eorum interpoſitæ, eſſe reſorptæ, partibus firmiter concretis. Vox quoque rauca in mollem, fortem, plenamque vertitur.

Flore juventutis fruentes, morbis pectus tentantibus, ſicut Hæmoptyſi, Phthiſi, imprimis laborant. Namque hac ætate ſanguis, genitalibus explicatis, pulmones onerat, perſæpe, gravatque: Nunc enim ſubito et celerrime increſcere ſolet corpus, dum pulmones paſſu haud pari augentur; et quoniam ſanguinis eadem quantitas pulmones et reliquum corpus perfluit, vaſa eorum magnopere diſtendi tandemque cedere accidit: Et hoc iis potiſſimum annis eveniet, quæ *ſyſtema* aorticum ſummam adeptum fuerit magnitudinem. Sed hæc cauſa raro ſufficiet, niſi prava pulmonum aut thoracis fabrica primario exiſtat. Quomodo Hæmoptyſis Phthiſim inducit, vel ſi prior ſit poſterio-

ris unquam fons et origo sola, non hic est loci disceptare ; scire sufficit, hunc morbum illius affectum esse haud infrequentem. Sed fatendum est, quod Phthisis juvenem aliquando, tussi tantum prænuncia, miserum arripit atque trahit ; nec raro sub hac forma e latebris scrofula prodit.

Hinc est colligere, quam diligenter et suspiciose hos conjuratos observare oportet, ne intra limen vestigia ponant. Eorum, igitur, qui propter frequentes impetus tussis, vel vultum dictum scrofulosum, aut alia scrofulæ instantis signa, vel thoracem arctum male formatum cum collo longo gracillique, vel Pneumoniam diuturnam haud ita pridem amotam, vel Asthmatem denique vexantem, Phthisim imminere timent ; eorum, inquam, interest maxime, omnia quæ genus sanguineum nimis irritent, qualia sunt Ebrietas, cibi stimulant, exercitatio immodica, vigiliæ nocturnæ, religiose vitare. Hyemes præterea peregre morentur, sub sole benigniore : Sin id non est, saltem a frigore salvos, atque humiditate cæli sese præstanto, corpus lorica lanea vestiendo, pedes quoque lana tegendo,

gendo, et sese quotidie (leviter tamen) exercitando.

Quæ jam præcepta sunt, sexus attentionem utriusque pariter vindicant, singuli quia morbis supra positis æque plectuntur: Atqui sequiorem haud ea contemnere magis oportet, quia morbis, insuper, uteri ac stomachi sæpissime virgo tentatur. Sic Desidia, Luxus, Vigiliæ debilem reddentes Puellam, sanguinem ex utero primum manare impediunt, aut reditui, tempore idoneo, amnis salubris obstant. Ast hoc fateor infortunium posterius sæpius frigore suscepto, humore pedibus admoto, vel affectibus animi effrænis contrahi. Dein, Ebrietas, cibus acris irritans, luxus, exercitatio vehemens, quodcunque denique vel totum genus sanguineum, vel uterinum speciatim stimulet, provocetque, fluxum immodicum reddet.

Horum quivis morborum Ventriculum infirmat, nexu mirabili eum inter ac uterum statuto, longa-que malorum caterva stipatur.

Contra, si Juveni vigent pulmones, parum ut plurimum est timendum; nisi quod quidam studio
dediti

dediti ultra modum, ad morbos stomachi sunt proclives.

Hac ætate fruenter contagio fane quævis, ut videtur, prehendere amat : Quapropter a tali periculo illos præcavere oportet, non solum loca fugiendo pestifera, sed corpora omnibus modis roborando. Ne nimis, scilicet, Baccho Venerive indulgeant, et sive flet fervidus Auster, seu gelu flumina consent acuto, ne certamina campi detrectent, et labori, algori, fervorique affuescant. Artibus instructa talibus Romana juvenus, Spartana talibus, gens dura, asperitatibus ac ærumnis omnibus invicta fiebat.

STADIUM QUARTUM.

RARO robur juvenis ab omni parte perfectum consequitur, donec ex impuberibus decem excesserit annis. Atqui celerius annis quibusdam conditionem hanc fœmina videtur attingere. Nunc Viro, si unquam, sunt brachia cruraque lacertosa, quadrati humeri, thorax amplum, summum indicantia

cantia vigorem, qualis uxoris vindicem, charæ et teneræ sobolis præsidium, denique omnium quæ creata sunt principem, deceat. Fœminæ nunc corpus est nitidum, artus quadantenus firmi, formaque tota omnibus numeris absoluta. Vires simul obtinet, lenes revera, aptas tamen iis muneribus gratis, quæ cura familiæ postulet.

Cæterum res ipsa hortari videtur, supra repetere, et quædam de causis, quibus corpus humanum crescit, consistit, deficit, differere. Homini jam nato, ut dudum posui, cor est grande, validum, venæ firmæ, arteriæ cedentes. Arterias igitur vi sanguis propulsus urget, distendit, et quasi distrahit: Rimulæ tamen materia idonea, congruenti, haud mora, replentur. Tali vasa modo, primis annis, in longum potissimum proferuntur: Et quoniam omni corporis parti accretionis molculæ ramulis certis ex arteriis oriundis deferuntur, quo magis tenduntur arteriæ, eo latius diffundentur particulæ assimilatae, eoque grandiores ac numerosiores fient fibrillæ corpus totum conflantes. Annos autem post aliquot cartilagineas addensati fir-

matique ossium extensioni resistunt : Tendines, quoque, et muscoli rigentes ulterius nolunt distendi, quapropter cessat adolescere corpus, perstant vero partes in latum distendi, unde turgescunt et prorsus grandiores fiunt. Postmodum, autem, hinc quoque vi cordis obstat, quoniam nec molis nec roboris augmen acquirat, dum arteriæ, contra, tunicis compressis, rigidæ et validæ fiunt. His rite perpenfis, cur corporis cesset incrementum fat evidenter patebit. Veruntamen annos per aliquot consistit corpus, dum cor truncique arteriarum ad vasa omnia minuta propellere sanguinem pollent, dumque adhuc sensibilitas et irritabilitas vigent.

Homines vigore gaudentes ætatis, fibris nempe strictis et elasticis plerumque insignes, frequentius morbi acuti, quibus validus favet circuitus sanguinis, corripunt. Sic, sanguinis congestus, nisu quovis vehementi, halitu cutaneo subito represso, affectibus animi violentis, vel aliis plurimis causis, effectus, omnium viscerum inflammationem, nec non catarrhum, Rheumatismum, Apoplexiam (quo
non

non malum velocius ullum) variasque hæmorrhagias homini adulto, robusto, inducere solent.

Ad hos morbos feroces vitandos, primo necesse est constitutionem antea firmasse, quo nulla pars sit debilior, faciliorque affectu, atque quo causæ excitantes primo impetu repellantur. Deinde, causas ipsas, quantum fieri potest, aut avertere, aut fugere opus est. Idcirco, horrenda sunt præcipue, Ebrietas, Ira, Cibus acris, Pulmonum quovis modo distentio immodica, molimen vel labor vires excedens, et frigus mordens, vel humor, dum corpus quiescit, et præsertim si simul sudore perfluit. Per hoc stadium, corpus est maxime patiens inediae, vigiliae, aloris; mirabiliter equidem iis, qui se, aspera et ardua subeundo, junioribus annis obfirmarant. Talium corporis virium cujusque regionis historia, per omne ævum, innumera tradit exempla.

Huic ætati quoniam potissimum gnavitas convenit, ii qui secordiae atque ignaviae sese tradunt, variis, haud immerito, plectuntur morbis. Verum enimvera, quamvis fatendum est, per hos etiam annos,

decere hominem, non solum a cibo delicato, qualis sollicitet stomachum, ab inertia, vino, fomnoque nimio abstinere ; sed excessus frigoris, caloris, laborumve timere : nihilominus, dum viget ætas, nemo vitam victumque omni modi variare dubitet.

———His cares were ill bestow'd,
 Who would with warm effeminacy nurse
 The thriving oak, which on the mountain's brow
 Bears all the blasts that sweep the wint'ry heav'n *.

Hic forsan, haud ineptum foret recensere morbos et incommoda, quæis gravidæ et nutrices potissimum patent ; monstrare item qua ratione se salvas optime tueantur ; sed ea res longius ab incepto traheret.

STADIUM QUINTUM.

STADIO jam quarto exacto, cor et arteriæ tardiora fiunt stimulatæ, hebescentem ob irritabilitatem ;

* Armstrong on Health.

tem ; rigescunt item eorum fibrillæ et pigrius contractionem patiuntur : Impulsibus præterea cordis magis obstant arteriæ, tunicis compressis et condensatis. Quinetiam somno et otio quadragenarii haud raro indulgere incipiunt. Ex his fontibus deductæ mutationes complures corpori incidunt. Arteriæ minus crebro et fortiter micant. Sanguine parum vi propulso idonea in vasa longinqua exilia, insensilis per cutem deficit halitus, unde cutis fit aspera, dura, sicca. Plurima quoque vasa cute tota intexta, eamque nitore hucusque ornantia roseo, deleta sunt. Minus clare coruscant oculi, neque leniores affectus animi ulterius exprimere valent. Calor, insuper, corporis totius languet, glandulæ schirrho magis opportunæ redduntur. Viscera abdominis se male habent, sive quod defectu exhalationis per cutem salubris, onerantur sanguine et opprimuntur ; sive fibrarum robur suarum, præ nexu cum cutaneis insigni, deficit ; seu primario irritabilitas earundem fallere cœpit. Adipis etiam comparationi et coacervationi magno-pere causæ favent eadem : Præsertim cum nimis
laute

laute et abunde, heu pudor ! ut plurimum epulantur : Sin id ne quidem est, raro tamen, ut decet, diurna recidunt cibaria. Epulas nocturnas, quibus maxime delectantur, talem propensionem inducere plerique censent ; nec injuria, quia dormienti sanguinis cursus retardatur, et secretiones tenues minuuntur, ita ut omne opimum, quod cibo nuper assumpto inerat, examuffim eliciatur, in sanguinem vertatur, et denique in cellulis propriis fecernatur. His causis obesitatis parciolem Veneris culturam forsan addere licet.

Fœminæ citius in genere, quam viri pinguescunt, quia et ob vitam inertiolem, et ob vires cordis imbecilliores, languescunt citius organa, quorum est supervacanea eliminare.

Labascunt paulatim vires, ab hujus principio stadii, usque ad limitem vitæ : Iis tamen, qui modice, sobrie, atque gnaviter hucusque vivebant, ita furtim subripiuntur, uti earum defectum nec ipsi, nec familiares, nisi post longa intervalla, percipere possunt. Sed quoniam perpauci sunt, qui ita vitam instituerunt, idcirco haud raro, ab octavo etiam

Iustro

Iustro finito, adeo evidenter vires vacillare incipiunt, ut neminis fugiat observationem. Cæterum apertius deficit membrorum agilitas, quod ab obesitate solita corporis pendet, ab animo quoque minus alacri, curis negotiorum obsito, a vi nervosa fallente, ab inopia sinoviæ lubricantis, denique a fibris musculorum tendinumque rigentibus. Hanc autem ipsam rigiditatem senescentis pigritiæ, et plurimum vasculorum musculos antea percurrentium interitui, aliquatenus tribuere licet.

Currente hac ætate, sensus omnes paulo minus acuti gradibus lentis fieri solent. In quibus adversis efficiendis, totius generis nervosi hebetudinem paulatim obrepentem maxime reor esse in culpa. Præterea, speciatim, tactûs vitium cuticulæ crassescenti parumque humectatæ licet imputare; quin etiam auditûs, cerumini haud ita molli, forsanque copia nimia secreto, necnon musculis et tendinibus aurium minimis rigentibus, ut et tympani membranæ ægre mobili factæ; visûs autem, languori vasculorum quorum est sanguinem et humores globo oculi suppeditare; hinc cornea densior et planior evadit,

evadit, et lens ipsa multum pelluciditatis pristinae perdit. Sed generis ipsa hebetudo nervosi ab aliena per cerebrum distributione sanguinis, atque durefcendi indole quæ ipsi cerebro inest, provenire quodammodo videtur. Nervis quoque ipsis forsân sanguis deesse cœpit. Venæ ob laxam ac cedentem fabricam turgent, adeo ut annis quibusdam elapsis, superficiem corporis inæqualem reddunt. Arteriæ, contra, parum a tergo distensæ, nec multum a venis resistentiæ, quo minus sese libere depleant, offendentes, contractionem indies arearum patiuntur.

Eos qui ætatem attinuerunt provectiorem varia morborum genera, longorum præcipue, tentant; quorum ortum principem a mutationibus queis hac tempestate corpus obnoxium esse statui supra, haud difficile foret deducere. Hi sunt, rarius, Scirrhus et affecla ejus formidolosus, carcinoma. Nonnunquam Apoplexia vel Paralysis impetum facit, cum plethoram in capite intolerandam obesitas corporis induxerit. Artus quoque frigori vel humori diu objectos, (nervis ultro nimis ad torporem vergentibus),

bus), Paralyfis quandoque supplantat. Sæpius morbi viscera vexant abdominalia ; venter, nempe, supprimitur, præ humorum inopia intestinalium, vel minuta fibrarum irritabilitate : Hinc provenit quandoque ani prolapsus, et hæmorrhoides, forsan in fistulas abituri. Ventriculus sæpissime laborat (tarda alvo plerumque se comitem præbente) a pigra succi secretionis gastrici, et ab hebetudine ventriculi fibrarum, cum generis nervosi languore conjuncto ; unde cibo remora collecto, et fermentum acre, quod succus parvus gastricus corrigere nequit. Status hicce Ventriculi, præter symptomata plurima gravia ab ipso proxime oriunda, alios, nec leniores, in partium functiones distantium edit effectus. Imprimis, *Hypochondriasm*, nexus ope mirabilis eum inter ac cerebrum statuti, morte magis timendam inducit ; deinde Podagram tardam, *Nephralgiam*, horrendumque *Calculus* quodammodo aut parit aut alit. Iners cordis et arteriarum conditio, tot morborum principium et fons, accedente vasorum *absorbentium* secordia, hydropem dirum haud infrequenter misero infert ; supplicium quan-

E doque

doque debitum usu contractæ temulentiaë, quæ non solum debile corpus reddere, sed etiam Scirrhum in Hepate gignere possit. His adde virium universalium vitæ salutisque conservatricium ruinam præmaturam, seu Cachexiam, heu nimis sæpe a juventutis oriundam flagitiis; quicquid enim delirabat Juvenis, nunc plectitur Senex.

Ex supradictis videre licet, quemadmodum hæc copiae morborum ingruentes sunt depellendæ. Imprimis, vitam degisse modice, impigre, casteque necesse est: Liquet enim eos, stupra quorum perpetua, cum affectatoribus suis pariter exitiosis ac averfandis, vel vinolentia perpetim exercita, vires convulfit, vel sensim desidia labefactavit, morbis supra memoratis patere maxime, atque facile prædæ fore. Deinde, maxima pars rerum valetudinem integram conturbantium arceri possint optime cursui sanguinis languenti opitulando, eumque, quantum fieri possit, superficiem versus corporis dirigendo. Talibus, si faveat Fortuna, modis Scirrhi possint vitari: Scirrhus vero quovis stabilitus, carcinomati medicamentis vi deobstruenti pollentibus

bus

bus obviam eundum est. Sic visceribus quoque abdomen occupantibus ingens auxilium feretur. Sic Hydropem quibusdam licebit prævertere. Sic Polypos aliquandiu retardatos iri, fas est sperare. Sic Apoplexiam postremo potis erit fugere, sanguinis molem a capite divertendo, et adipem in trunco coacervari parum finendo.

Ad hæc exequenda consilia, ambulatione leni utatur indies ; si hæc celerius fatiget, equo vehatur, non vero sine comite, solum enim post equitem sedet atra cura, ut ipse adversa valetudine usus, graviter quondam experiebar. Si per procellas, pluvias, aliamve causam foras haud exire licet, non tamen idcirco se impigre domi exercere negligat, nec se strigili contemnat perfricare fortiter. Oportebit quoque, “ sive Aquilo terras radit, seu “ bruma nivalem interiore diem gyro trahit,” aut oras propiore sole calentes petere, aut saltem amictu se laneo circumcingere. Senibus se paulo benignius tractare expedit. Cibi nutritione pleni, atque foventes conveniunt. Epulas tamen esse modicas decet, vires quia digerendi moli ciborum

ægre fufficerent. Idcirco præterea, efcas concoctu faciliores feligant ; necnon quæ ftimulantiore pollent qualitate, quo fibras torpentes incitent : Eafque poftremo, quæ fint ad acefcendum parum proclives, ne incommoda multa parirent. Vinum meracius, modo ne mentem capiat, aut Stomachum opprimat, libere bibant. Mollius cubent. Labore vehementi vacent. Ætatis fub finem hujus, balneum haud parum proficit.

STADIUM SEXTUM.

RELIQUUM eft, ut de fexto ftadio miferando dicam, quod ab amiſſa potentia procreandi sobolem inchoat, et ultima linea rerum finitur. Viro teſtes, qui annos per aliquot proximos lente admodum liquorem genitalem fecernebant, et longa poſt intervalla ad congreſſum Veneris incitabant, nunc penitus areſcere et decreſcere ſolent. Horum orbata ſtimulo virga quoque flacceſcit, necnon magis magisque indies corporis tabeſcit vigor, animique alacritas. Mutatio hæc univerſa, viribus generis ſanguinei

guinei infirmatis, sicut æstimo, indeque vasorum areis minutorum obturatis, est imputanda.

Annis circiter decem citius fit Mulier effœta. Hac tempestate sanguinis rivus solitus, primo post intervalla redit inæqualia, tandemque penitus cessat ; res maximi referta periculi, non modo incommoda pro tempore varia faciens, sed morbos cruciantes et insanabiles miseræ inferens. Etiam dum varius et abnormis est, pondere circa lumbos et dolore capitis obtuso mulier opprimitur ; stomacho simul laborante, quale fit tempore pubertatis. Cum vero sistit omnino, omnia hæc symptomata ingravescent ; quibus Hæmorrhagiæ variæ haud raro accedunt ; necnon Visus et Auditus conturbantur ; nonnunquam etiam Apoplexia sædave *Leucorrhœa* hos excipit morbos. Interdum autem exoriuntur mala, lentius fateor aggredientia, multo tamen magis horrenda. Hoc tempore etenim Scirrhus et Carcinoma Uterum mammae invadere amant, infelicem doloribus insandis torquentes.

Mensium penitus suppressorum causa, ut arbitror, est conditio rigens arteriarum uteri, visque debilis qua sanguis in eas propellitur. Exitu sanguinis sic impedito, tandemque prorsus abolito, plethora supervenit universalis ; et hinc oriuntur symptomata quæ supra dixi primam comitari aberrationem, sed quæ, eventu consummato, magnopere exacerbantur. Scirrhum ciere videtur copia sanguinis nova in eas partes immissa, quam cor et arteriæ irritabilitate vigoreque pristinis amissis, ægre circumagere valent. Veri autem simile est, diathesi quadam insuper opus esse ad hunc morbum inducendum ; aliter enim, frequentius eveniret.

Finem primariæ mutationis æstimo, ne si vetula conciperet, partium pelvem formantium rigiditas partum omnino impediret ; neve, si parturierit, ad sobolem imbellem et inopem tollendum parum sufficeret : Forfan quoque, ne constitutionem nimis imbecillam a matre proles deduceret.

Systemate sic mutato genitali, sexuum discrimina fere omnia intereunt. Dulce non amplius loquuntur

quuntur effœtæ ; cutis fit dura, venisque distincta magnis. Nec brachia, nec crura pristinum nitorem teretem retinent : dum cutis interea universa, sed potissimum ea faciei manibusque obducta, in rugas contrahitur fœdas. Mentum horrescit capillis ; mammæ, nunc inutiles, flaccescunt, decrescunt, tandemque fere planæ redduntur. Mulieres tamen, gravibus jam functæ stipendiis vitæ, longiore vita, ac meliore valetudine quam viri, emeritæ veluti, ut plurimum donantur. Quæ res fibris laxioribus, minusque ad rigendum proclivibus, queis præditæ sunt fœminæ, effici proxime videtur.

Accedentibus annis, causis supra recensitis in vasa sanguinea agentibus, magis magisque in annos singulos vis cordis et arteriarum infirmatur, et irritabilitas earum obtunditur ; venæ simul distenduntur, atque arteriæ coangustantur ; unde ictus earum debiliores ac pigriores fiunt, donec tandem propulsioni sanguinis ab arteriis rigidis et contractis prorsus obstatur. Sic cuicunque e morborum, belli, et casuum periculis salvum evadere datum

datum est, senio tamen confectum, fato a natali die omnibus fortito necesse est tandem succumbere.

Priusquam hic cadat eventus, multa in grandævo mutantur, variaque mala diutina ipsi sunt perpetienda. Imprimis emarcescit corpus, non solum absumpto parumque renovato adipe, virium ob digerentium atque nutrientium defectum; sed musculis ipsis quodammodo tabescentibus, per vascula eos percurrentia partim deleta, partim contracta: et cum hoc a vasis rigentibus plurimum pendeat, ratio cur serius marcori foeminæ sunt obnoxiae apparet. Ossa perveteribus non modo minuuntur mole, sed etiam leviora fiunt, quia materies terrea non iis tam prompte suppeditatur, quam dispendium postulat assiduum. Veruntamen mira, hac ætate, inest arteriis, valvulisque cordis proclivitas ad ossicam fabricam, aliqua ex parte, adipiscendam. Nec ineptum est censere ejusdem materiei aliquantulum partium corporis cæterarum fabricam, annis extremis, intrare. Certe in ipso cerebro

cerebro officula quædam nonnunquam reperta sunt.

Augentur tendines, decrescunt muscoli, addensantur cartilagines, adeo ut spinæ vertebræ se propius invicem accedunt, et corporis totius altitudo minuitur. Inalgescit corpus, præcipue partes membrorum extremæ, ob earum a sanguinis fonte longinquitatem; quam ob rem quoque crura longe ante truncum gracilescere observantur. Tali simul grandiores fiunt, *œdæmate* per debilitatem universalem occupati. Languet Stomachus; franguntur vires; vacillat infirmus per annos quosdam, membra donec truncum prorsus ferre recusent. Crines incanescunt et fluunt, nec fluere desinunt, antequam caput fuerit omnino nudatum. Contrahuntur glandulæ, imprimis eæ quas chylus transire solet: Res pernicipiei referta! Sensus quisque sit hebes, et denique penitus deest.

“ Sans teeth, sans eyes, sans taste, sans ev’ry thing.”

Hoc aliquatenus explicat, cur optime senex acta

se puero vel juvene recordatur ; his quoque ideis mox deserturis memoriam, mentemque vacuam relicturis.

Mutationum harum omnium ratio, ex ea ætati quintæ incidentium supra reddita, facilis erit repertu.

Vita jam inclinata malis innumeris acerba redditur : Quippe quæ morbis omnibus queis ætas proxime elapsa tentabatur conflictari cogitur, dum vigore simul caret pristino, et plurimis præterea solatiis orbatur.

Grandævo incommoda oriuntur gravia a ventriculo et intestinis se male habentibus. Capiti etiam periculum imminet e polypis cor occupantibus, e valvulis ejus, vel arteriis in os, aliqua saltem ex parte, conversis, e sanguine cerebrum opprimente, e pedum gangræna, Scrofula, Carcinomate, Calculo, atque Hydrope. Sed nil magis senibus esse reor formidandum quam Catarrhum (ita dictum) Senilem, sive frequentiam ejus, sive diuturnitatem, sive molestiam, sive vitæ discrimen quod affert, spectemus : Tussi enim importuna,
copiam

copiam mucī gravantem, heu frustra ! emoliente noctes atque dies vexatur, neque inflammationi venam secando occurrere ægri debilitas finit : Mucus idcirco continuo coacervatur, donec pulmones prægravet, et miserum jam confectum angens, demum ab ærumnis absolvat.

Si corporis conditionem in novissimo stadio cum ea in antecedente conferamus, causas, quæ fenescenti morbos infligebant, easdem, sed vi agentes vehementiori, grandævum reperiemus laceßere : Ideoque ratione et consuetudine vitæ opus esse eadem, diligentius equidem observata, ad salutem etiam mediocrem conservandam.

Imprimis, plures ob causas sat evidentes, calor est sedulo colendus. Senis itaque interest, cælum ferenum, amænum, vel etiam calidum, vario, humido, atque frigido mutare : Omni tempore, molli frigida membra sinu fovere ; sæpius quotidie, modo ne lassitudinem inducat, sub dio deambulare ; tempestate autem perfrigida, vel viribus ad ambulandum parum valentibus, rheda vel lectica vehi ; auras matutinas et vespertinas cate metuere duras,

nec tamen inertiae domi se unquam reddere omnino. Cum balneum, fibras emolliendo, atque exhalationem per cutem eliciendo, auxilium grande pollicetur, in folium fenex quotidie descendat. Vestibus amiciatur nunquam non nitidis. Ætati quoniam senili inedia perquam est aliena, ter quaterve in die cibum assumat; sed levi, simplici, leniter stimulanti, exiguo, calido, ac refocillante utatur; ab omni qui stomachum vel pinguedine oneraret, vel flatibus distenderet, prudenter temperans. Alvum, quæ plerumque contrahitur, (quandoquidem per ventriculi torporem, fruges recentes algidas, et per ejus propensionem ad acidum creandum, olera affatim non assumere licet) medicamentorum ope leniter laxantium sæpius solvere expediet. Somno indulgendum est, quo vires, facile fractæ, reficiantur, halitus per cutem foveatur, et adipis aliquantum coacervetur. Neque mero parcat quadrimo, hoc enim generis et nervosi et sanguinei conditio postulat. Certamina Veneris parum esse idonea telorum status imbellis admo-
reat.

Animo interea fit hilari, atque sereno, neque negotiis curisve, nedum perturbationibus deprimentibus aut violentis sese finat agitari; et quando res cunque eum premat irritetve adversa, dulci amicorum colloquio, aut librorum lectione, aut vitæ futuræ ab omni parte beatæ contemplatione solanti, mentem extemplo mulcere conetur.

Præceptis supra traditis fideliter observatis, aliquot per annos cuivis fere feni foret copia vitam prorogandi, et mortem tandem aggredientem minimeque formidandam reddendi.

Cæterum antequam huic tentamini finem impono, ne forsan quidam incuriæ, alii arrogantiae verterent, me longa linea auctorum vel prælectorum omisisse ornare, haud alienum fore duco admonere lectorem, non procul a vero distaturum, si quod præstat in hoc opusculo Professoribus hujus Academiæ almæ, quæ peccant mihimet tribuerit. Nihil itaque exinde laudis assumere possum, sed

“ Explebo numerum, reddarque tenebris.”

TENTAMEN INAUGURALE,
DE
Nicotianae Viribus in Medicina; ut et de
ejus malis Effectibus in Ufu communi
et domestico, Examen.

QUOD,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S. S. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit
ROBERTUS HAMILTON,
HIBERNUS,

Societatis Regalis Medicinæ Edinensis Socius,

NEC NON,
Societatis Physicæ Socius Honorarius.

Critics avaunt! Tobacco is my Theme,
Tremble like hornets at the blasting steam.

DODSLEY'S Collect. v. 2. p. 284.

Ad diem 24. Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXX.

Viro admodum reverendo,

GULIELMO SMITH, S. S. T. P.

Milburnii apud Coleraine,

In comitatu Londonderriensi, in Hibernia,

ROBERTUS HAMILTON

Salutem.

Quum dissertationem inauguralem me oportet, juxta leges academicas in lucem edere, tibi, prae omnibus aliis, Vir humanissime, ornatissimeque, hasce meorum studiorum primitias dicandas esse censui.

Cui enim quam tibi plus debeo, qui tua me semper amicitia, et patrocinio ornaſti, conſiliis ſapientiſſimis juviſti, et praecipue animum meum labantem praeclara munificentia ſaeppiſſime confirmaſti?

Tanta beneficia palam profiteri me certe decet, et delectat, et ad ſupremam vitae horam grata mihi manebunt mente repoſta. Et, ſi aegritudines compeſcendo, et ſelici manu dolores leniendo, miſeris mortalibus aliquid olim profuero, tibi, amicorum optime, fuerit penitus referendum.

Hocce igitur opusculum, quaecunque ſit, patrocinio tuo lubentiſſime commiſſum, in perpetuum amoris teſtimonium accipias, enixe peto, quod tibi dico, dedico, et ſacrum volo.

Dabam ex Aedibus Academiae Edinenſis, }
iſſis idibus Junii M,DCC,LXXX. }

TENTAMEN INAUGURALE,

D E

Nicotianae Viribus in Medicina ; ut et de
ejus malis Effectibus in Ufu communi et
domestica, Examen.

P A R S P R I M A.

QUONIAM me pro gradu doctoratus certantem,
et honores in medicina summos ambientem, ali-
quod, ut mos est, utque legibus Academicis rite obtem-
perem, in lucem edere oporteat; et quum inter plures
perutilesque dissertationes, his proximis annis praeclari in
hac Academia ad hunc scopum editas, vix ulla de vege-
tabilibus, cortice Peruviano excepto, scripta sit, mecum
hac de re pauca differere decrevi. Non scribam autem
de physiologia vegetabilium in genere, quum hoc magis ad
historiam naturalem quam ad medicinam religetur, ve-
rum de unicae tantum plantae vi.

Ad hoc magis me ferebat animus, revolventem com-
plures talium dissertationum haud raro super eadem
eere re quotannis conscriptas esse, et eandem fere omnino
doctrinam comprehendentes: Igitur magis novitatis avidus,
mihi hoc argumentum, ex variis selegi, nonnihil a scri-

bendi ratione quae impraesentiarum invalescat, defec-
tens.

Ita loquitur elegantissimus Celsus; ‘ ut alimenta fanis
‘ corporibus agricultura, sic sanitatem aegris Medicina
‘ promittit. Haec nusquam quidem non est, si quidem
‘ etiam imperitissimae gentes herbas, aliaque prompta in
‘ auxilium vulnerum morborumque noverit.’

Veritas certissime hujus sententiae prima apparet facie. Si enim varias herbarum dotes homines eruere rite conati essent, sanitatem mortalibus melius promittere datum fuisset. Sed ad hoc attingendum, qualitates intimas, tum salubres, tum insalubres et perniciosas, sedulo perpendere eos oportet: Qua sola notitia, has fugere, ac illas, aut alimenti aut luxuriae causa, praeferre docebuntur.

Porro, si herbae quasi fictis et falsis virtutibus praeditae a populo nimis credulo laudatae fuerint, tale tentamen istas falsas vires posthabere nos docebit, quoniam natura earum vera in aprico tandem posita erit. Haec observatio fortasse tum herbis quotidie commestis, tum his pro condimentis et luxuriis usurpatis, applicari potest. Nam quis nunc ignorat vires perniciosas laqueo-cerasi, cujus succus olim communi in usu fuit † ?

De omnibus vero in cibo sumptis filebo ; nam haud meum consilium est de diaeta agere. Opus hoc perutile aliis, hac de re melius doctis, remitto, et, ut supra dictum, de unica solummodo herba, nempe Nicotiana, inter gentes plures usitatissima, pauca proferre volo, dotesque ejus, quantum possim, explicare conabor. Hoc per multos annos intentatum mansit. Neque me abs re, quasi longe errantem

† Vid. Edin. Med. Ess. vol. I. p. 277.

errantem hujus almae academiae Professores, ut spero, culpabunt, quum de plantae natura dicendum est, quae inter materias pharmacopoeiarum, etiam maxime reformatarum, et nuperrime editarum, hodie recepta approbataque stat.——Nunc vero ad rem.

VARIA haec planta sibi vindicat nomina; *Tabacum*, ex insula Tobago, ubi indigena floret, nuncupatum est. *Nicotiana*, ab Johanne Nicotio †, legati Regis Gallorum in Lusitania officio fungente, appellata item est; et inter Americae Indigenas *Picielt*; et in Hispania *Pete be Ceniuc*; a Novae Franciae barbaris, sub nomine *Peti* celebratur.

Reginae herba quoque nominatur. Praeter haec, aliis multis nominibus primo gaudebat, quae nunc recitemus vix necessarium est, quoniam obsoleta hodie sunt.

In Britannia, Hibernia, atque Virginia, *Tobacco* vulgo nomen habet.

In Europam primum translata fuit, ut multis placet, circiter annum 1559, aut 1560, quo tempore ejus semen celeberrimum. Franciscus Drake a Virginia in suum natale solum detulit.

In Italiam vero non in usu recepta fuit ante annum 1610; et tunc etiam ex Anglia translata: Primum quidem ad sanitatem Cardinalis Crescentii firmandum, ex consilio ‡ Virgil. Ursini. Mox tamen multi eam cupierunt; et ad hunc diem tam crebrescit usus ejus, ut ubique fere terrarum non luxuria solum, verum inter necessaria, saepissime habetur.

Botanici eam vocant Nicotianam, et inter classis genera Pentandriae monogyniae, ita dicta, eam numerant.

DE

† Vid. Sir Hans Sloan, Nat. Hist. of Jamaica, &c. p. 148.

‡ Vid. P. Dalla Valle, p. 42.

4. DE NICOTIANÆ VIRIBUS.

DE HUIUS PLANTÆ VARIA SPECIE.

Septem recenset Linn. cl. species nicotianæ †, nimirum, Nicotianam pusillam, fruticosam, rusticam, paniculatam, glutinosam, urentem, et tabacum. De ultima tantum, quippe quae magis nota sit et communior, tractare statuimus.

Inter descriptiones hujus varias, a diversis auctoribus traditas, illa Bergii magis placet, quam in ipsius materia medica, nuper edita ‡, inveniet lector.

‘Locus,’ inquit auctor celeb. ‘America. Colitur ubique, annua.

‘Forma recens. Radix fibrosa: Caulis bipedalis, vel ultra, erectus, teres, villosus, subviscidus, simplex.

‘Folia. Magna, alterna, pedalia, vel ultra, pro ingenio foli, patentia, ovali-lanceolata, acuta, inferne attenuata, sessilia, paululum decurrentia, utrinque glabra, supra obscure viridia, subtus pallidiora, costa et nervis albido-viridescentibus, pubescentibus: Suprema minora, sessilia, non decurrentia.

‘Corymbus. Terminalis, compositus, fastigiatus, villosus, viscidus, parce foliosus; foliis floralibus lanceolatis, ad singulas divisuras solitariis, acutis,

‘Calix. Perianth. monophyllum, ovato-campanulatum, villosus-viscidus, minutim quinquangulatum, quinquefidum; laciniis ovato-acutis, erectis, subaequalibus.

‘Coroll.

† Vid. Sp. Plant. Vindob. 1764.

‡ Vid. Berg. Mat. Med. art. *Nicot.*



(*Nicotiana*

‘ Coroll. Monopetala, infundibuliformis, villoso-vil-
‘ cida, subincurvata.

‘ Tubus. Pallide viridescens, cylindricus, calyce du-
‘ plo longior, undique striatus, in medio punctis 5 elevatis,
‘ situ annulari extus dispositis.

‘ Limbus. Inferne ovato-oblongus, tubo concolor, su-
‘ perne explanatus, rubicundus, quinquangulatus, cilia-
‘ tus.

‘ Stam. Filam. 5. albida, subulata, longitudine tubi,
‘ inferne hirsuta, versus basin tubo adnata, superne glabra,
‘ ad latus superius corollae flexa.

‘ Anther. Cordato-compressae, versatiles.

‘ Pistill. Germen superum, conicum, glabrum, majuscu-
‘ lum, futuris quatuor longitudinalibus.

‘ Stilus. Cylindricus, glaber, longitudine staminum.

‘ Stigma. Capitato-convexiusculum.

‘ Proprietas recen. Odor debilius, narcoticus, siccata
‘ vero fortior.

‘ Sapor recen. Amaricans, acriusculus; masticata fo-
‘ lia recentia, subglutinosa, linguam faucesque leviter mor-
‘ dentia: Saliva viridescente.

‘ Folia Tabaci recentia manibus tractata, digitos inqui-
‘ nant, glutinosa quadam materia, fusco-brunnea. In
‘ flamma candelae flagrant folia siccata: Fumo narcotico,
‘ assuetis grato, cinere albido relicto. Folia concisa, car-
‘ bonibus ignitis injecta, fulgurant et fremunt ad instar
‘ nitri, nervi potissimum et petioli.

‘ Virtus. Narcotica, inebrians, antispasmodica, emetica,
‘ purgans, errhina, sternutatoria, phthiriaca, repellens.’

Haecenus Bergius: Et huic descriptioni addit, ‘ plures e
‘ plantis luridis, cum nicotiana viribus quodammodo con-

‘ venire;

6 DE NICOTIANÆ VIRIBUS.

‘venire; et fumum etiam ex illis perinde ac tabaco hauriri posse.’

In variis morbis olim magni aestimabatur; imo, quasi catholicon cantata fuit. Vix enim morbus est, ubi non magno in honore habita fuerit tabacum. Contra ulcera in naribus, in tonsillis, gingivis, faucibus, pulmonibus, putandis; in carcinomate, febribus, strumis; ut verbo dicam, in omnibus fere a quacunque causa ortis, haec herba, a Nicotio, Neandro, Everarto, Magneno, aliisque laudabatur. Neque hodie omnino negligitur; imo, nonnulli haud parvi nominis in re medica adhuc eam commendant.

Quum igitur celebretur in morbis diversis, non abs re erit, paululum inquirere quantum ad hoc propositum valeat: Et primo,

DE EJUS USU CONTRA PESTEM.

Contra pestem, febrium omnium pessimam, dudum plurimum aestimabatur; et, inter alios, a Diemerbroekio, qui haud parvam fiduciam in ejus *virtutibus* posuit. Ipse unico hoc prophylactico satis libere *sumpto* utebatur, omnibus horis; ante prandium, post prandium, postque caenam, et in intermedio saepe tempore. Verba sunt: ‘Si vero ab aegrotorum foetore me vel tantillum alteratum sentirem, statim, postpositis omnibus negotiis, quantumvis necessariis, qualicunque diei hora foret, duarum triumve fistularum tabaci fumum succione trahebam;’

‘nam,

‘nam, ut verum fatear, tabacum pro primario præservativo in peste semper habui, neque aliud melius pro ordinario usu hactenus inventum existimo, dummodo illud sit melioris notae, ex maturioribus foliis in funes coactum.’ In alio quoque loco, idem laudat, narrans, quomodo a pessimo foetore excrementorum aegri, qui peste cum diarrhoea laborabat, sese liberaverit. Dum enim se affectum mox graviter senserit, vertigine, nausea, et cordis anxietate, ita ut de suscepto contagio nullo modo dubitaret; illico se domum contulit, et ‘tabaci optimi quinque sexve fistulas fumi succione exhaustit *.’ Statim omnia symptomata evanuerunt, et ne minimum mali amplius sensit. Sed, ni multum fallor, admodum vana talis est opinio. Et postea, suo etiam testimonio, vana manifeste apparet; quum fateatur sibi idem ter quaterve contigisse, et, cum semel pariter affectus, serius confugeret ad tabaci usum, longe molestius se habuisse, et tardius quoque liberatum fuisse †.

Fiorvantis dicit, se febres omnium generum a tabaco mederi; apud quoque Dodonaëum aqua ex foliis ejus stillicidia rustici multi febre liberati fuerunt.

Narratur item historia ‡ de quodam paracho, qui peste decumbentibus sacra administravit, cum, simulac egressus fuit ex ulla infecta domo, vicinam ingressus, tabaci fumo uti solitus fuit; hocque in modo se immunem omnino servasse.

At,

* Vid. lib. 4. p. 236. hist. 17.

† Vid. Van. Swieten Com. tom. 5.

‡ Many extol smoking tobacco, dicit Millar, as a preservative against the plague; but Riverus says, that, in the plague of Lipsic, several died who were great smokers of tobacco; Vid. Millar, Bot. p. 313.

At, hujus febris natura rite perpensa, de rei veritate pen-
ne incredulus manere cogor, quum omnibus non lucu-
lenter patere non possit, pathologiam et causas morborum
fatis gnaris, remedium prorsus hoc inefficax esse. Quid
enim in luce magis aperta stat, quam quod dotibus ad
hunc finem propriis nullatenus gaudeat. Certe nec vires
collabentes restaurare, neque nervis deficientibus vim au-
gere, neque putredinem late nunc serpentem restringere
aut amovere posse invenietur. Male ergo in tabaci usu,
grassante peste, spem suam posuerit aeger.

Quoad parochum nuper memoratum, diverso modo
proculdubio conservatio ejus accidebat. Neminem enim
latet, hos, qui inter aegrotos multum versabantur, tardius
febre semper infici: Ita valet consuetudo. Imo immu-
nes frequenter observatur medicos evadere, quanquam, aut
advenas, aut eos prope decumbentes, rarius adstantes,
contagia morbi vestimentis haerentia, ipsis salvis existenti-
bus, inficiunt.

Parochus ipse, ut docemur, curabat, ‘ ne salivam coram
‘ aegris deglutiret.’ Huic scopo tabaci usus bene inservire
potest, cum fumo ejus assueti perpetuo salivam expuere so-
leant †. Ita putabatur salivam exputam causam fuisse
quare liber manserit; at haec deceptio esse videtur; nam
vix credibile est, contagium per deglutitionem in ventri-
culo transire, et inde corpus infici posse: Nemo forsan
per os febre unquam infectus fuit.

Statim vero per nares, ad cerebrum ipsum, ubi cito vim
ejus destruit, serpit, ex quo totum nervosum celeriter colla-
bescit genus, morbumque, hoc modo infert; idioque ne-
que

† Vid. Æsop. Epulon. p. 414.

que ad tabacum, neque ad salivam cautissime exputam immunitas referri videtur, sed potius ad habitum corporis quotidie inter decumbentes exercitati, et ad consuetudinem quae organa olfactus hebetiora, et corpus contra contagii vim tutius reddit.

Auctor alius, nempe Benza, de bonis nicotianae effectibus, dum de peste in Austria grassata scribit, pulverem ejus in nares attractum magnopere laudat. Cum vero illustri Van. Swieten non assentire non possim, haec verissima verba proferente, ubi de tabaco tractat; ‘forte similia antidota, aut et meliora, serior aetas deteget*.’

Anne originem suam tabaci usus in febribus trahit, ex observando, domos et loca aromatum officinis vicina, a peste intacta mansisse?

Neander vires nicotianae contra pestem commendat, exemplo Hippocratis, qui lignis odoratis, et unguentis ardentibus, Athenas pestilentia liberavit; unde et corona aurea aureorum mille donatus, et publicam pensionem, quae sufficeret, pro honorario accepit †.

Observatio de dotibus aromatum, ut dicitur, stabilitur, ex eo quod in peste Londinensi olim immunes omnes evadebant, qui navibus construendis occupabantur, perpetuo versati in aëre picis vaporibus imbuto ‡.

Si vera sit haec observatio, ad utilitatem tabaci firmandam

B

dam

* Vid. Tom. 5. p. 175.

† Vid. Hippocrat. Epist. 41.

‡ Vid. Van. Swieten. tom. 5. p. 147. Vid. quoque Diemerb. qui ait, commendo usum tabaci in peste; me enim liberabat peste corruptum; omnesque domus in quibus haec planta vendebatur, et Novio-
nagi, et Londini, liberae erant a contagio, cum vicinae insectae essent.

dam vix confert; aroniatis neutiquam anteferenda est, ut mihi videtur.

Dr Lind quoque, febre urgente, fumum nicotianae in ore aegrum haurire jubet. Auctoritas tanti viri, si ulla auctoritas prae ratione praeponderare debeat, mecum semper magni aestimaretur. In locis praesertim umbrosis et insalubribus degentibus ejus suadet usum. Pariterque Dr Percival, vir quoque eximius, in tractatu suo De Nosocomiis, inter alia, ad febrium contagium praecavendum, fumum ejus assuetis haurire non inutile nonnunquam fore monet; ex suis verbis vero colligi potest, rarissime praesidium esse.

Attamen, dum hoc judicium contra viros tam merito celebratos proferre ausus sum, fateor tamen medicum culpandum esse, qui aegros diu assuetos tabaco semet inde oblectandi solatio prorsus arceret.

Saepe enim praestat consuetudinem, quamvis non optimam, aegro permittere, quam subito mutare; et in hoc exemplo metuendum forte erit, ne salivae secretio solita fere inde repressa corpus male afficiat.

Laudes in hanc plantam in febribus arcendis, variis auctoribus collatae, cgebant humanissimum Gregorium, patrem, suis in praelectionibus, silentio eam non praeterire. Sed de ejus virtute incertus esse penitus videtur, dum interrogat, quinam sint usus ejus ad primum febris impetum restringendum †?

Sequens, si mihi liceat, responsum reddere paratus sum, videlicet, vix febrem pellendi qualitatibus gaudere nicotianam prae herbis aromaticis, quando in fumum

con-

† Vid. Dr Gregory's pract. p. 60.

convertuntur; quoniam hodie consentiunt, ni fallor, plerique, contagium, ut supra dictum, intra corpus receptum, solummodo cerebrum et nervos laedere; quo pacto, hae partes ad sua officia minus valeant, idioque aromata omnia febris impetum non nihil compescant †. Sic perspicuum est, quaecunque corpus bene excitant et roborant, idem contra vires contagii debilitantes munire possunt.

Hinc recte monent periti corticem Peruvianum, febre suspicata, fumere, vinumque generosum modice potare, praesertim mane, cum primum e lecto surgat valedudinarius, et aëri matutino sese nimis improviso exponat, aut antequam, si medicus fuerit, ad visitandos aegros exeat.

Quod ad virtutem ejus in febribus prophylacticam, omnes aromaticae herbae, dum incenduntur, quum oleum essentiale iis inest, quod per aestum volatile reditur, plus minusve stimulant, igiturque aliquod ad robur corporis faciunt; et huc usque putredinem tantillum coercere possunt. Non vero experientia compertum est, tabacum magna vi antiseptica frui. Praeterea, valde suffocativus est fumus hujus plantae, et parum idoneum, ut prope aegros spargatur. Imo sunt qui non facile, ullo pacto, fumum ejus ferre possint. Multo magis certe praeestabit acetum prope lectum aegri leni igne coquere, ut plurimum vaporis exhalet.

Ex supra dictis, ut spero, liquido patebit, tabacum pro medicina in febribus putridis parum omnino valere.

DE

† Vid. Cullen. First Lines, vol. I. on Fevers.

DE USU EJUS CONTRA FEBRES INTERMITTENTES.

Ut in febribus putridis, ita in intermittentibus quoque, tabacum nonnulli laudant.

Si Platero fidem demus, eo senatorem quendam, et hominem quoque plebeium, a febre intermittente liberavit: In quartana, ante paroxysmum, aqua ex floribus et foliis ejus stillatitia, cum successu, ab Heurnio propinata fuit.

Strenuo affirmatum audiui, Batavos, ad hominem, febre intermittente correptum iri, ni large tobaci funium quotidie hauriant; contra vero, eo, ut solent, utentes, plerosque eorum incolumes vivere. Quod si ita res se habeat, ut febres palludosas revera reprimere valeat tabacum, alia tamen stimulantia, ut supra dictum fuit, haud minus efficacia extant: Nam quaecunque vim tonicam cordi et nervis supplere queant, contra effluvia paludum corpus defendent, igiturque, loco tabaci, talibus uti melius erit.

E X E M P L U M.

Narrabat illustris Gregorius pater, nuper in hac academia medicinae practicae Professor, viginti quinque juvenes Britannos, quorum ipse erat unus, Lugduni Batavorum

* 'A leaf, used as a suppository, cures quartans;' Sir Hans Sloane's hist. of Jamaica, &c.

tavorum annum unum alterumve degentes, variisque studiis incumbentes, praeter unum, omnes a febribus intermittentibus immunes vixisse. Is, qui solus aegrotavit, unicuique aquae potor fuerat; reliqui vino satis libere utentes, sic sese incolumes praestiterunt.

Ut in peste, ita quoque de usu tabaci in febre intermittente loquitur Lind; idque adhibitum fuisse memorat cum contusis araneis junctum, et pro cataplasmate corpori admotum, quod morbum cito amovere dicebatur. Ingeniosus Dr Currie quoque mihi retulit, se, quando in America vixit, correptum fuisse febre intermittente, quae per menses octodecim misere illum excruciauit, cortice Peruviano, rhabbarbaro, aliisque fere omnibus medicaminibus frustra adhibitis, tandem doctus fuit ab indigena quodam de potestate tabaci, qui illum monebat, ut in forma cataplasmatidis cum sinapi, ad carpos et scrobiculum cordis, id applicaret. Obtemperavit, atque omnino sanatus fuit. Effectus fuere sudores largi, frigidi, nausea permagna, et tandem vomitus violentus per horas aliquot.

Praeclarorum virorum auctoritatem non recuso; nec res impossibilis videbitur, si quis dotes hujus plantae bene secum perpenderet. Ex historia enim herbae apparet, eam emeticam vim possidere, quod quoque confirmatum a Lewis † multisque aliis stat.

Neminem latet, emetica hunc morbum saepe depellere, exempla cujus plura in auctoribus extant ‡. Igitur, quanto vim habet emeticam, tanto prodesse potest, non vero
utra.

† Vid. Lewis Mat. Med. art. Tabac.

‡ Vid. Edinb. Med. Ess. vol. 2. art. 5.

ultra. Tabacum tamen emeticum inelegans est, imo periculofum; et multa aptiora praebebat materia medica.

DE USU EJUS CONTRA COLICAM SPASMODICAM.

Non defunt etiam qui nicotiana diversis formis contra colicam spasmodicam praescribunt, et laudant †.

Hoffman, inter alios, affirmat, se multos e plebe vidisse doloribus intestinorum admodum excruiatos, qui, fumo ejus deglutito, a morbo statim liberabantur. Experientia vero recentior hujus remedii successum non confirmat. Pro clysmate enim saepius fumus ejus in Nosocomio Edinensi, urgente ilio, qui stadium tantum mihi esse videtur ultimum hujusce colicae, incassum injectus fuit.

Gaubius ea in fumum elevata, atque in alvum immissa, pertinacissimas constipationes saepe feliciter seipsum solviffe, quovis alio remediorum genere incassum tentato, pariter autumat; et hoc etiam tum herniis tum colica spasmodica.

De Haen quoque eandem commendat, et varia refert exempla, ubi tentatus fuit fumus; at, quoniam aliis remediis, eodem tempore, usus est, et quidem his satis fortibus, de vi fumi vera incertum est.

Si enim aliquis periculum facere velit, liceat; nam, in desperatis, desperata remedia tentare omnino fas est. Atque ad hoc propositum varia excogitata fuere instrumenta.

Is

† Vid. Lcw. Mat. Med. ut supra.

Is qui tale primus excogitavit doctiss. fuit Utzerus, diverso vero proposito. Postea Schaeffer, medicus Ratibonensis, alterum exhibuit, instrumentum clysmaticum nuncupatum, cujus iconem in libello, 1757 in lucem edito, habes. Deinde de Haen, medicus Viennensis ad Schaefferum aliud transmisit, qui idem utcunque corrigi, et iconem cum suo in libello supra memorato depictum curabat. Demum, illustr. Gaubius 1771 † aliud excussit, cui nomen *instrumenti clysmatici ad fumum nicotianæ in anum impellendum* dedit; et satis, me iudice, simplex est.

Aiken ‡, chirurgus peritus Edinensis, 1775, hocce, utcunque iterum, ut censet, reformatum delineavit.

Berenbroek nuper aliud, et quidem omnium simplicissimum, excudit, cujus exemplar ad Prof. Cullenum, ut idem Collegio Regali Medicinæ Edinensi ille exhiberet, transmisit. Hoc vero nullatenus laudare possum, quoniam tubulus ex ligno factus, nec, ut oportet, flexilis est; et etiam quia rectus, et non paululum sinuatus, ut ad intestini recti sinuositatem melius accommodatus sit.

Professor Monro neque hoc neque illud magni aestimat, sed syringem, quam suis auditoribus quotannis ostendere solet, cum duplici papilla, longe prae aliis, et praecipue prae ingeniosi Gaubii folle praefert, ob id, quod quantitas fumi immissi ad amissim ad mensuram exactam reduci possit, quo satis bene operatores cavere queant, ne praeter capacitatem suam intestina fumo repleantur, et inde rumpantur; quod, e contrario, forsitan fieret, si follis ad fumum injiciendum usurpetur.

Quatuor

† Vid. Adversar. &c. p. 45.

‡ Vid. Ess. and cases in surgery.

Quatuor horum instrumentorum formas lectoribus nostris delineari curavimus, quas apud tab. II. videant. Plures in Nosocomio Regali Edinensi syringe etiam hac Monroiana tractati sunt, sed, ut supra dictum, frustra.

Imo experientia repertum est, vires tabaci narcoticas plus mali quam dotes stimulantibus atque antispasmodicis boni, corpori humano inferre.

Dominus Evans decoctum ejusdem herbae saepe tentavit, et huic proposito utile esse affirmat, quoniam nunquam spem ejus fefellit, dum, e contrario, fumum damnat.

Certe stimulum acrem praebet, quod probatur ex vomitu, si abdomini applicatum fuerit. Drastrictum quoque est purgans. Nec dubitandum quin interdum constrictiones intestinorum amovere queat.

Olim etiam ex planta extractum hoc in morbo, ad abdomen illinendum, inter Lappones † commune et celeberrimum fuit remedium. Attamen hi rudes et indocti sunt, neque medicinae cultura ibi adhuc floret. Et, quoniam ii remedia meliora nesciant, quaecunque sunt nota praescribere cogantur.

DE USU EJUS CONTRA HYDROPEM.

Ad aquam e corpore educendam, nonnulli olim tabaco usi sunt. Ex Dodonaei auctoritate, traditur historia, succum nempe ejus quatuor aut quinque unciae pondere

† Vid. Diff. Morb. Lapon. auct. Lorf. Martin Gothburgens. vid. quoque Duncani Comment.

dere potum, sanavisse hydropicum. Symptomata hæc subito post usum grassabantur, alvus vehementer turbata, et profundus somnus. Æger media ætate, et rusticus, et fortis fuit. Magnenus etiam semel tabaci periculum fecit in muliere hydropica, postquam omnino desperaverat de ejus valitudine. Et tantam aquae copiam eduxit, ut quamvis exiguam quantitatem exhibuisset foliorum decocti ex vino albo; tamen ita debilitata ægra est, ut viribus omni ratione providendum esset, et intermittenda curatio, donec reficeretur. Post mensem obiit. Fatetur autem morbum inveteratum, et aegram debilem ac ætatis declinantis fuisse. Sed non magis prodesse videtur medicamentum, quam alia drastica purgantia.

Nuper diversa forma hydropicis exhibitum est, nempe, in cinerum forma †. Exemplum unum habemus hydropis feliciter sanati, ope cineris, post combustam nicotianam, collecti, cujus quantitas a drachma dimidia ad drachmam unam bis in die sat est, in exigua cujusvis liquoris quantitate.

Quicumque secum paululum rem perpendet, modum operandi facile explicabilem reperiet. Nam, quoniam morbum sanat quicquid aquam amovere potest, et quum per organa excernentia hæc expelli potest, sequitur, ut quaecunque urinam movere valeant, idonea copia sumpta, prodesse possint. Nunc bene notum est, alkalina pulchre convenire eam eliminare; et a re chymica docemur, omnes plantas combustas alkali plus minusve præbere, nec unam ab alia in hoc differre, nisi quantitate sola. Igitur

C

cineres

† Vid. Duncan's Comm. vol. 3. p. 33.

cineres tabaci prodesse queant, quatenus alkali continent : Nescio vero quare impurum hoc anteponemus, quum multo purius, nimirum, sal tartari, aliaque, officinis in promptu sunt. Unicum istiusmodi exemplum, me iudice, tantum probat, alkalina, veluti alia diuretica, hydropi mederi posse.

DE EJUS USU CONTRA SCORBUTUM.

Autumatum olim fuit, nicotianam scorbuto commode occurrere posse : Et, quum dudum saevit dira strage morbus inter Imperatoris Germaniae acies, ad Vindobonensem academiam literas misit Imperator, rogans, ut professores medicinae hujus morbi ita lethalis methodum certam avertendi dicerent ; responsum literis imperialibus remiserunt docti, ut imperaret medicis ordinariis, inter aegrotos quotidie versatis, usum nicotianae fumi, ac aliarum hujusmodi herbarum instituere †.

Sunt etiam praeter medicos Vindobonenses qui idem sentiunt. Nam Frederic Vander Mye refert, scorbuto decumbentes ex exercitu, qui in Breda obsidebantur, indies convaluisse, quam primum satis nicotianae comparatum esset, quae mira felicitate operabatur, antidotum contra scorbutum praestantissimum habita ; addit autem, vinum quoque eos libere simul bibisse.

Annon totum beneficium vino attribui potest ? quisnam enim dotes tonicas et antisepticas vini generosi ignorat ?

Contra

† Vid. Lind on the Scurvy.

Contra vero non defunt alii, de scorbuto tractantes, qui inter multas causas nimium nicotianae usum incusare vix dubitaverint, quoniam vires ventriculi plurimum laederet †.

Hervius item, de eodem scribens, quem illi distinguere in scorbutum *oris* et *cruris* placet, inter causas occasionales nicotianam, aërem multo sale commixtum, nimium salis marini, necnon spirituum stillatitiorum usum, commemorat.

Ab omnibus autem agnoscitur, causam hujus morbi inopiam esse vegetabilium recentium, una cum cibi putridi ac salis copia immodica assumpta, praesertim si aeger in aëre impuro et humido diu manserit.

Lind vero, qui tam pulchre de scorbuto scripsit, tota ejus natura vera detecta, succi hujus herbae tanquam utilissime contra ulcera scorbutica meminit. Ad hunc finem, si necesse sit, usurpetur; caute vero agat medicus, quoniam tanta acrimonia gaudeat.

DE EJUS USU CONTRA TINEAM CAPITIS.

‡ Lewis tabacum, propter acrimoniam ejus insignem, cautissime applicandum esse monet, ad quamcunque corporis partem, ubi soluta fuerit carnis continuïtas. Effectus enim mali creberrime inde orti sunt. Inter plebem vero non parvi aestimatur contra nonnullas cutis affectiones.

Exemplum notabile relatum habemus a Chalmers cuiusdam, qui tabacum unguenti forma applicuit ad tineam capitis

† Vid. Lind.

‡ Vid. Lew. Mat. Med.

capitis sanandam. Morbus paulo post fere cedebat; tanta vero nausea et vomitus, una cum fudoribus frigidis, et animi deliquio, sequebantur, ut statim usum omittere coactus fuerit.

DE USU NICOTIANÆ AD VULNERA RECENTIA.

Recentia folia vulneribus imposita, ad sanguinem sistendum, et carnem iterum glutinandam, communi usu olim fuerunt. Imo putredinem arcere quoque dicebantur.

Inter vulgus hodie etiam folia ejus siccata in vulneribus minoribus nuper inflictis laudantur.

Ab aëre quidem partem laesam defendunt; itaque non nihil ad sanationem conducunt. Adhuc vero experientia non probat, vim ullam aliam tabaco inesse vulnera conglutinandi.

Sed, quum stimulus acerrimus sit, inflammationem plus minusve semper vulneribus recentibus orituram, non adaugere eam non possit. Igitur ad vulnerum medelam adhiberi vix debet.

DE EJUS USU AD HÆMORRHOIDES REPELLENDAS.

Hodie nicotiana inter empiricos contra hæmorrhoidem sæpe datur. Nec omnino posthabita etiam a medicis ipsis, tametsi doctis. Periculosum semper mihi apparuit medicamen.

medicamen. Vide exemplum hujusmodi memorabile in libello, cui Titulus est, ‘the use and abuse of tobacco;’ Londini 1721 edito, ubi eventus fere lethalis administrationem secutus est. Neander dudum jussit vaporem, a decocto plantae elevatum, ano excipi, haemorrhoides vexante; quod forte tutius fuerit, quam plantam ipsam, vel emplastrum ex ea paratum applicare; quoniam talis vapor fere aquosus erit, et metuendum esset, ne planta adeo acris dolorem augeret.

Similis praxis adhuc frequens est; nam plus quam semel vidi ipse non vaporem solum, verum etiam cataplasmata foliorum contritorum, ab anu quadam inter plebem Hyberniae septentrionalis fatis celebri adhibita.

DE USU CONTRA VISCERUM ABDOMINALIUM INDURATIONES.

Cataplasmata nicotianae a Neandro ac Everarto item contra omnes hepatis affectiones praescripta sunt. E contrario vero, Magnenus praxin damnat, si partes inflammatae fuerint. At, de tali medendi ratione, quum nunc obsoleta jaceant eorum scripta, vix differere pretium est.

In actis vero Edinensibus, similis methodus in usum iterum revocatur: Et ibi exemplum memoratur ejus successus contra hypochondrium induratum. Sed in hoc exemplo instar emetici agebat, quo vix detur potentius remedium ad obstructiones, praesertim in abdomine, solvendas, vel abscessus, si adsint, rumpendos. Sed, in hoc statu,
periculo

periculo non careret, pure, scilicet, in caveam abdominis effuso.

DE USU CONTRA CÆPHALÆAM.

Pilulas tabaci Neander praescribere solebat, contra caephalaeam, quae hac in affectione magni ab illo habebantur.

Sed apud Lapones in diversa forma nunc dierum adhibetur, qui errhina a tabaco praeparata non parvi laudant, quando saeviunt capitis dolores. Folia in pulverem teruntur, ac in nares recipiuntur: Inde fit mucī excretio aucta, qua pro tempore sopitur dolor †, alii folia tabaci partibus capitis, ubi dolor maxime urget, imponunt.

Illustris Gregorius, pater, dicit, multos sibi notos gravi caephalaea laborantes, ex pulvere nicotianae, aliisque errhinis, levamen sibi ipsis conciliare sedulo tentasse; at vix cum ullo successu.

Si quis autem diu pulverem recipere assuefactus sit, ac incaute ejus usum intermiserit, ex quo morbum induci suspicetur, sese iterum ad eum conferre proculdubio debet; sin minus, abstineat.

DE EJUS USU AD NUPER SUBMERSOS RESUSCITANDOS.

Angli primi, ut docemur, tabaci fumum, ob alvi obstructionem, ano immittere tentaverunt. Aliae gentes postea eos imitatae sunt.

Multum

† Vid. Diss. de Morb. Lapod. Lorr. Martin auct.

Multum tandem laudatus est ad nuper submersos resuscitandos; et ejus successus varia exempla relata fuere †.

Dr Mead item eum extollit contra oppressionem ex vapore mephitico, aut aura lethifera cujuscunque generis.

Verba sunt, ‘The first step should be to blow up the smoak of tobacco into the intestines ‡.’ Cullenus quoque, qui de submersis tam pulchre scripsit, Mead, de Haen, &c. vestigia arcte premens, usum ejus pariter suadet. Audi ejus ratiocinia: ‘For the exciting the action of the intestines, the most proper means is the application of their ordinary stimulus of dilatation; and this is most effectually applied by forcing a quantity of air into them by the fundiment. Even the throwing in cold air has been found useful; but it will certainly be better if heated air can be employed; and further, if that air can be impregnated with something, which by its acrimony also may be powerful in stimulating the intestines.’

‘From all these considerations, the smoak of burning tobacco has been most commonly applied, and has, upon many occasions, proved very effectual §.’

Attamen, re ulterius perpenſa, vix profuturus videtur: Imo, ut Professor Monro opinatur, potius nocebit, propter nimiam ejus irritationem.

Contra usum ejus gravis etiam se offert objectio, nempe, aërem esse medium nimis rarum, ut sat caloris in intestina per eum immitti queat.

Praeterea,

† Vid. Gaub. advers. p. 45.

‡ Vid. Mead on poisons.

§ Vid. Cullen's Letter to Lord Cathcart.

Praeterea, innumera exempla extiterunt, ubi fumus tabaci, in intestina immiffus, nil omnino profuit; nec defunt meliora et validiora remedia ad idem confilium accommodata, five calorem, five acrem ftimulum intestinis, admove-
re cupiamus, veluti clysmata vini calidi, et fimilia.

DE USU CONTRA VERMES INTRA INTESTINA.

Ad vermes ex intestinis expellendos atque necandos, diverfis formulis celebratur etiam nicotiana. Olim fyrupus ex eo confectus fuit. Exhibita quoque fuit haec planta in infufionis et fucci puri forma †. Nonnulli cineres etiam hoc confilio laudaverunt ‡; dum alii affirmant folia ejus, ventriculi externe regioni applicata, multum prodeffe aegro verminoso.

Porro, non defunt qui clysmata ex fumo per anum imiferint ad ascarides necandas §. Infantibus vero et delicatulis, nimis audax effiet medicus, qui medicamine adeo acri uteretur, quum tutiora, neque minus efficacia, extent.

Ab experientia vero concludere non licet, nicotianam vermes necare poffe, intra intestina ulla vi fingulari, praefertim, fi per analogiam tum a vermibus, tum ab animalculis extra corpus, raciocinari detur.

Ab inventis enim D. Alexandri constat, animalcula nullatenus a tabaco necari. Nam pulverem, *rappee* vulgo dictum,

† Vis Sir Hans Sloan's Hist. of Jamaica, &c.

‡ Vid. Duncan's Practic.

§ Vid. pract. and Theor. of Phys. 2. Ed. Dublin. Auct. M'Bride.

dictum, ille liquido quodam, ubi natabant animalcula, miscuit; sed non necabantur, quanquam liquor sepositus per totum hebdomadem, imo propemodum ad liquoris evaporationem, reservatus fuit. Postea, nicotianam cepit, eamque conscidit, phialae vitreae indidit, et aquam in eam affudit; nec adhuc illa extincta fuerunt *.

Quod ad quaedam vermium genera, qui a sinibus frontis ossis expulsi sunt, in pyxide inter tabacum satis diu eos vivere, expertum est †.

Et nuper et olim opinio fuit, eam lethalem esse cimbis, atque gliribus, &c. sed, si fides experimentis hisce Alexandrinis detur, neque id credere licebit.

Quod ad vermes intestinorum, vix mihi operari aliter videtur nicotiana, quam sua drastringa vi.

DE USU EJUS CONTRA VERMES INTRA SINUS FRON- TALES.

Accidit, quanquam raro, vermes intra sinus frontales, quorum ova fortasse cum aëre inspirata fuere, nonnunquam hospitari ‡. Hoc suspecto, nihil melius reperietur quam fumus nicotianae in nares injectus. Sed, quum periculosum sit, ob vim narcoticam eam injicere, alio ullo morbo caput afficiente, sive cephalaea pertinaci, sive etiam vagantibus capitis doloribus, qui cephalalgia nuncu-

D

pati

* Vid. Alexander's Exper.

† Vid. Med. Ess. vol. 6. Art. 78.

‡ Vid. Hill's Cases. Edin. Med. Ess. vol. 6. Art. 78. Hist. l'Acad. des Scien. 1733. and 1708.

pati sunt †, symptomata hujusce affectionis accurate perpendere debet medicus, et, quantum potest, certus fiat, vermes ibi existerere.

DE USU CONTRA EPILEPSIAM.

Succus hujus plantae ad ʒij olim fumebatur, interpolatis vicibus; et, testante Neandro, plures epilepsiae hoc medicamento sanatae fuerunt. Forte nonnunquam accidit, epilepsiam sanari posse a purgantibus, praesertim in pueris, ubi ab irritatione intestinorum aliqua oriatur morbus. Vim purgantem certe habet haec planta; si vero nostrum esset de epilepsia ulterius differere, facile ostendere et probare possemus, malum remedium huic proposito se praebere nicotianam. Sed dissertationem hoc de morbo instruere, et varias ejus causas recensere, non impraesentiarum in animo est, nisi quatenus solummodo ad tabacum refert.

Dicitur, plantam utilem quoque esse ad paroxysmum epilepticum suffocandum; quo fine non desunt qui, hoc instante, moneant ut frustulum ejusdem inter dentes teneatur et masticetur. In hoc vero laudes tabacum vix meretur, quum per experientiam docti simus, quamlibet substantiam inter dentium series positam paroxysmo nonnunquam obviam ire posse.

DE

† Vid. Sagari Nosol. 152. 153.

‡ Vid. Cullen. Mat. Med.

DE USU IN MENSIBUS SUPPRESSIS.

Affectionibus uterinis itidem commendata fuit nicotiana; atque etiam efficax habetur remedium ab illustri Cullen ipso, qui, ut fumus ejus in uterum, catameniis suppressis, injiciatur, mōnet, asserens, quod satis potenter agere valeat per vim suam stimulantem †. Aliis frustra tentatis, ultra dubium, tabaci fumum experiri omnino expedit. Mihi autem remedium praestantius esse videtur in retentione, quam in suppressione hujusce fluxus; quoniam, secundum Cullenum ‡, suis causis proximis penitus inter se differunt, ideoque diversa remedia poscunt: Illa, nimirum, ab uterinorum vasorum laxitate et debilitate, hac vero a rigiditate eorum extremitatum sola pendente. Sed ad hoc propositum alia stimulantia tutiora sunt, sicut electricitas, &c.

DE USU EJUS CONTRA HERNIAS INCARCERATAS.

Dudum in diro hoc malo tentatus est fumus hujus plantae. Chirurgus peritissimus Heister, ex multorum tentaminum successu, ad astra remedium extollit; pro certo affirmans, se, fumo rite adhibito, semper succedere. Nec parvus est herniarum numerus, testante Gaubio, quibus, si forte egressi intestini constricō, quam incarcerationem vocant, contigerit, fumus hicce ano immissus succurrat:

Addit

† Vid. Cull. Mat. Med.

‡ Vid. Cull. First Lines.

Addit vir autem vocabulum *nonnunquam*, quod satis ostendit, eundem omnibus aegris non profuisse *.

Dease quoque pariter hortatur, clysmata acria, praesertim ex nicotianae fumo parata, in hoc malo immitti †; atque opinionem ejus multa experientia suffulcit.

Pott item, ex cujus scriptis omnes rem medicam ambientes multa utilia quotidie hauriunt, laudes maximas eidem dat; variaque exempla tradidit, ubi votis ejus omnino respondebat ‡.

Notum vero est, calorem aërem in sacco herniae contentum multo magis expandere, et ideo totius herniae magnitudinem augere, quam partes firmiores, annulum praesertim durissimum, per quem delapsa essent intestina, laxare; hinc forte impedimentum potius quam auxilium in reducenda hernia a nicotianae fumo expectandum est.

Si bonum ullum nonnunquam inde repertum fuerit, ex animi deliquio solo, ab ejus effectibus violentis inducto, fit, quo totum corpus relaxatur, et intestina ideo facilius reducuntur. Certe tantam violentiam male fert corpus; et, si successus non opus coronet, aegro forte haud parum nocebit. Neque sagacissimo Monro haec latuerunt. Concedit autem, omnibus aliis frustra adhibitis, ac omni salutis spe sublata, priusquam operationem chirurgus instituat, immitti debere; quia dubium quam nullum remedium tentare praestat.

Methodus prorsus alia aliis peritis nuper placuit; inter quos numeratur Wilmer, qui fumum, in hoc morbo saepissime incassum exhibitum omnino damnat, quoniam

* Vid. Gaub. Advers. p. 47.

† Vid. Dease on wounds of the head.

‡ Vid. Chirurg. Obs. Lond. 1775. cases, 9. 10. 11. 13.

niam successus ne semel quidem, ex multis periculis, usum ejus sequebatur. Igitur fumi loco, aliorumque omnium calidorum, ad frigidissima sese recipiebat, et cum eventu satis prospero; et, inter alia, lotiones externas sacchari saturni, salis ammoniaci crudi, cum aceto misti, &c. neque spe vana, adhibuit †.

Cum aliae aliis ita adversentur observationes, difficilissimum erit inter eas rite dijudicare. Hoc tantum dicere licet, ut non temere usus hujusce plantae suscipiendus sit, propter acritudinem ejus, etiam in herniis incarceratis.

DE USU CONTRA ASTHMA SPASMODICUM.

Tanta est necessitas respirationis, ut, ea sublata, ne quidem per brevissimum spatium vivere possimus. Omnis respirandi difficultas *asthma* vulgo appellatur: Et auctores plerique morbum dividunt in orthopnoeam, quae gravior est affectio; et dyspnoeam, quae levior; ambae quarum ex causis variis, imo frequenter maxime diversis, nascuntur. De his tamen non sermo nunc est. Discrimen hoc tantum notavi, ne remedia alii solummodo accommodata aliquis in alia specie pariter efficacia esse putet. Hic vero de asthma revera spasmodico agitur. Hoc ex spasmō aut vasis bronchiorum extremis, aut glottide, aut fortasse utrisque simul inducto, originem suam trahit: Aut, ut nonnullis placet, ex constrictione spasmodica ramulorum arteriae pulmonaris, quae reditum sanguinis ad cor multum obstat. Quaecunque ideo eum solvere valeant,

† Vid Cases and remarks in surgery, by Wilmer, 1779.

valeant, morbum aut penitus tollent, aut saltem levabunt.

A me longe sit leviter aestimare quicquid ullam prae se ferat speciem hocce malum grave, et, ut mihi videtur, plerumque omnino insanabile, opitulandi.

Inter multa contra hunc morbum tentata, nicotianae fumus ore quotidie et sedulo haustus non sine sua laude memoratur.

Magnenus olim, de tabaco tractans, haec verba habet :
 ‘ Asthmaticis confert succus, syrupus, conserva, tubuli
 ‘ fumus, vapor, folia, et vinum tabacinum Poterit
 ‘ ergo quotidie mane aeger aliquod syrupi deglutire, vel, si
 ‘ ejus stomachus non ferat, ut contingit biliosis, ore deti-
 ‘ neat conservam, vel folia mastice[†].’ Item Dr Pitcairn
 praescribere solet asthmaticis infusionem hujus in cerevisia tenui, per noctis spatium, quae semper violenter operari observata fuit[‡].

Hodierni ad eundem finem nicotianae usum quoque hortantur et laudant. Exemplum hujus nuper habui mihi relatum a generoso quodam ad eundem scopum, nempe, de seipso, qui, currente hyeme, dyspnoea, tussi, et raucedine laboravit, et magnopere inde excruiatus; neque ob tussim et dyspnoeam bene dormire potuit, ni hora decumbendi tabaci fumi fistulam unam aut alteram inhauriat: Hoc vero facto, satis bene dormiebat. Dignum observatu tamen est, illum ejusdem fumi omnino amatorem et nunc et antehac fuisse.

Infusionem

[†] Vid. p. 241.

[‡] Vid. Alston's Mat. Med. v. 2 p. 192.

Infusionem ejusdem emeticum utile fore, dicit Dr M'Bride †, ac pariter eum masticari commendat, quasi remedium potens, et ab experientia comprobatum, in asthmaticis paroxysmis obviam eundo.

Similem doctrinam docet Dr Duncan auditoribus suis, quam experientia sua quoque suffulcit, quum affirmat, se nonnullos morbo hocce excruiatos vidisse, quibus ejusdem fumi usu commodum non parvum obtinebatur. Namque illico fere post ejus usum solvebatur paroxysmus.

Auctoritas certe viri tam egregii, et cui quoque haud parum debeo, quoniam ex ejus praelectionibus veram hausi doctrinam, et mihi studiis incumbenti amicissimus fuit, non leviter a me habenda est. Sed, re mature perpenſa, quantum ad fumum hujus herbae attinet, herbarum aromaticarum fumo, ut mihi videtur, vix anteferendus est. Imo, nonnunquam aliae preferri debent herbae, si aegri a tabaco abhorreant; nec desunt tales; et ad hoc sedulo prospicere debet medicus.

C A S U S.

Nuper ad foeminam quandam accersitus fui, quae asthma revera spasmodico, per multos annos, laboraverat. Mihi omnia interroganti de remediis antea ab illa sumptis, respondit, se consilium a medico satis perito recepisse, nicotianae, nempe, fumum haurire, cui diu obtemperare tentavit; sine vero ullo commodo: Fumo nauseam permagnam

† Vid. Theor. and Pract. Ed. 2. Dublin.

magnam et anxietatem illi semper creante. Ufu ejus demum omnino omisso, ad feminum anisi usum sese contulit, quo, fumo adhibito, aliquod levaminis experta est, neque ullam aegritudinem inde patiebatur mulier. Concludere illinc, ni multum fallor, licet, nicotianam herbis aromaticis nullo modo praestare. Ergo, me judice, herba Britannica dicta, aut similis herbarum compositio siccarum, satis intensiori huic respondeat †. Imo non raro his cedere debet; nam ab experientia compertum habetur, iis, quibus systematis nervosi sensilitas valde est exquisita, non solum nicotianae fumum paroxysmo praebere originem, verum quoque omnes ingratos foetidosque odores; imo interdum odores satis suaveolentes, idonea occasione data, anhelationis causam esse; atque, quamvis clariss. Duncano singulus accidebat casus, ubi tantum levamen inferebat fumus, ut haec in commendationem tabaci habet verba: ‘ I have known a gentleman who prevents a fit (asthmatis nempe) by means of a pipe, which he makes his travelling companion ‡;’ tamen talia rariora sunt exempla.

Si vero tabaci fumum assuetus aeger haurire antea fuerit, et inde levamen expertus sit, cum relinquere nullatenus debet ||.

Quando

† Si tussilaginis part. 3. cuphrasiae et serpilli, p. 1. betoniae, p. 1. et marjoranae p. dimid. accipias, et eas siccare cures, fumus satis gratus a tali herbarum compositione asthmaticis omnibus hauriatur.

‡ Prael. Dunc. de asthm. spasm.

|| Illustriss. Black, rei chymicae Professor mihi nuper quoque dixit, se novisse nonnullos fumo hujus herbae multum levatos fuisse. Nequaquam equidem de facto hocce dubito; sed eadem responsio illi forte sufficiat, nimirum, talia rariora esse exempla.

Quandoquidem haec planta tam acris est, admodum mirum fit, plures ab ejus usu non abhorrere. Nemini sane primo grata est, nec, nisi post multa tentamina tolerabilis. Sunt quidem, qui, ob suam naturalem aversionem, hocce pharmaco nunquam uti queant.

Cum vero ab experientia Duncani, et ab casu superiore solitario, a me nunc tradito, patet, fumum in ore detentum nonnunquam morbum hunc spasmodicum levare; talibus igitur aegrotantibus eum tentare medico suadere licet; sed eodem tempore, non omnibus fumum tabaci praescribere debet, quum ex praedictis nullatenus sequitur, nicotianae fumum solum palmam aliarum herbarum fumo praeripere posse.

DE USU EJUS CONTRA ODONTALGIAM.

Multi nicotianae fumum pro remedio inspirunt contra odontalgiam. Et exhibent hoc antidotum suis aut amicorum periculis, ut dicunt, optime notum. ‘Admittit credulitas; fanat fiducia; et decepti suam tabaco fanitatem imputarunt; quanquam vi naturae sola e morbo eluctati sunt†.’

Quum narcotica vi herba gaudeat, dolores dentis nonnihil lenire oportet, irritatione paululum sopita; frustra vero inde sanationem sperabunt.

Si quis tamen naturam odontalgiae paulisper perscrutare velit, manifesto patebit, tabaci fumum nullo modo

E

morbum

† Vid. Misocapn.

morbum mederi posse. Haud raro enim ex dente corrupto oritur dolor, ubi irritatio nervo maxillari, dentibus gingivisque inservienti, communicatur, ex quo partes late circum inflammantur.

Nunc usus ejus hoc in morbo ortus esse videtur, quia, dum saeviat odontalgia, major salivae copia excerni observatur; igitur, quaecunque sputationem augeant, male prodesse credebantur; et inde multi copiam salivae nimiam minui putabant, quam esse morbi causam stolide tenebant. Attamen difficillimum, per copiosissimam sputationem, eum a diverso omnino fonte revera scatentem delere reperietur. Sed prosequi ulterius odontalgiam nunc non nostrum est; et probare sat est, nicotianae fumum inutile esse remedium.

Denique, fumus ejus quotidie inspiratus, dentes, tametsi sanos, laedere debet, quia per aestum inter fumigandum partes volatiles ac stimulantibus evolvuntur, elevantur, quae dentes penetrarent atque corrumpere. Experientia hoc ultra dubium posuit. Quisquis enim fumum diu haurire assuetus dentes nigros et putridos habet. Verbo, quum dentes laedit fumus, odontalgiam inferre potest, ideoque potius auget, quam tollit morbum.

DE USU CONTRA OCULORUM AFFECTIONES.

Haud mirum nicotianam, contra omnes fere morbos commendatam, in oculorum affectionibus quoque laudari. Multi hodie, ob causam hanc solam, usum ejus primo susceperunt. Nec solummodo contra inflammationes

tiones his organis inductis, sed contra cicatrices et caecitatem pariter increbruit.

Bontius, qui olim artem Apollinarem cum honore in India Orientali diu feliciter exercuit, pulverem Nicotianae laudat, et navigantes ad Amboinam, insulasque Moluccas, ac freta vicina, cum in nares recipere sedulo monet, si caecitate correpti sint. Nam haud raro fit, has caecitate, et oculorum vitiis aliis, ut ille affirmat, gravari. Quod malum oriri putat ab oriza, quam edunt incolae nimis calida. Nosque certiores facit, seipsum frequenter inorbum sublevasse, errhinorum ope, ex tabaci pulvere praeparatorum †.

Porro, contra oculorum inflammationes sive a morbo idiopathico, sive symptomatico, sine discrimine, hodie usurpatur, a vulgo saltem, nicotiana. Et a medicis etiam peritis haud raro commendatur.

Verum quidem est, quod levamen, quamvis fugax, paucis his morbis primo inferat; sed prava consuetudo postea nullo pacto rumpenda inde oritur.

DE USU CONTRA AURIUM VITIA.

Nonnulli etiam pulveres sternutatorios contra aurium vitia commendant, quando, nempe, multa serositas in capite collecta, circum aures procumbit, et, membranam tenuissimam nerveam, aurium labyrinthos obducentem, nimis humectat et relaxat ‡.

Hi asserunt, quod, in tali casu, colluvies haec ibi haerens,

† Vid. Bont. *Dis. of E. Ind.*

‡ Vid. Hoffman.

rens, ab errhinis, vel sternutatoriis, per ductus Eustachianos, ex auribus ad palatum abeuntes, commode evacuetur. Hoc verum sit; sed optime notum est, per usum quotidianum talium medicamentorum, sternutationem prorsus cessare, neque ulterius his errhinis, praecipue si a nicotiana confecta sint, excitari posse. Igitur, quamvis primo levamen inferant sternutatoria a tabaco confecta, post multum tamen usum, commodum, nullo modo, ut quondam, aegro dabunt.

Verbo, ille, me iudice, qui ad vitia aurium amovenda, pulverem nicotianae quotidie in nasum inspiraret, longe errat, quia usus ejus perpetuus effectus hos sternutatorios prorsus destruit. Imo, secundum sagacissimum Hoffmannum, perversus talis modi abusus, dum, singulis fere momentis, in nares pulvis attrahatur, non parum damni et noximenti afferat hominibus, praesertim si tales naturae siccioris sint.

Multae existunt aliae corporis affectiones ubi plantae hujus virtutes olim fere ad astra ferebantur, podagra, nempe, et dysenteria, partus difficilis, et plurimi alii praeterea morbi.

In morbis vero sanandis, ex jam dictis, luculenter patebit, illam vix tantas meruisse laudes. Sed, quoniam utilis nonnunquam reperta nicotiana fuit, contra hernias et duritiem alvi pertinacem, in ileo, atque colico spasmodico, contraque vermes in sinu frontali hospitantes, locus in pharmacopoeis proculdubio habere debet planta; eo magis, quod pro certo compertum est, qualitates ejus manifestas fatis esse sortes, et maximae vires medicae a talibus remediis jure semper expectantur, quae corpus vehementer afficiunt.

Verbo,

Verbo, cum prudentia adhibita, in morbis quibusdam proderit, in plerisque autem aliis, quibus olim laudes illi falsè accumulabantur, nociva, aut, ad minimum, inutilis deprehendetur.

Haec de ejus usu ad morbos medendos sufficiant; et nunc ad alteram partem hujus dissertationis progrediendum, ad hosce morbos nempe ostendendos, qui usu plantae domestico, vel primo inducuntur, vel in pejus inde vertuntur.

P A R S

P A R S A L T E R A.

MORBIS his, quamvis calamo, fateor, nimis festinante, percurfis, quibus in sanandis hodie a medicis plurimis, aequae ac vulgo ignobili, nicotiana celebratur, alteram dissertationis partem nunc aggrediamur, nempe, ad hos morbos, ab ejus usu intempestivo aut inductos, aut graviores factos, referendos.

Non vero sine maxima haesitatione incipimus, quum herbam incusaturi simus, pro cujus utilitate nobiles et ignobiles, docti et indocti, pariter contendunt, eaque assidue utuntur.

Dr Hope, eximius rei botanicae apud Edinensem Profefor, et cui liceat mihi gratias ex animo, ob multa et praeclara beneficia in me, diversis temporibus, collata, nunc agere, exoticas plantas suis auditoribus demonstrans, inter alia memorat, quantas barbaris gentibus laudes debemus, ex quibus plures atque perutiles plantas, quae antea nobis ignotae latuere, recepimus; quas inter, addit vir illustris, stant rheum, nicotiana, et plurimae aliae.

Affertio quidem generalis verissima est; nihilominus, quantum ad nicotianam spectat, nescio quibus argumentis utilitatem tantam hujus plantae vir eximius probare poterit, si ad corporis sanitatem respiciat.

Quod multis, quasi mercimonium utilis fuit, facile concedo; rem familiarem plurimis largam praebeuit: Nec ad aerarium rei publicae, salutis fortasse detrimento, minus lucrificet. Non de mercimonio vero, sed de utilitate ad bonam valitudinem, ut medicum decet, solummodo tractare volo.

Certissimum

Certissimum est, quod multis lethalis fuit †, neque sine causa, quasi fons morborum diversorum incusatur, utentibus luxuria vilis, non utentibus pharmacon ingratiissimum.

TRIPLICI modo pro luxuria homines nicotiana utuntur, fumo, scilicet, pulvere, et foliis ad manducandum, singuli quorum affectatores plurimos nacti sunt, et vix minus alimento ipso multis aestimatur, neque minori aviditate appetitur.

Priusquam morbos inde orituros ostendere incipimus, partes breviter describere oportebit, ad quas vel primo admovetur, vel brevi penetrat.

DE SINUBUS IN NARES PATENTIBUS.

Hi sunt, 1. duo frontales sinus; 2. duo sphaenoidales; 3. cellulae, alias sinus ethmoidales dictae; et, 4. sinus maxillaris.

1. Frontales cursum tortuosum tenent, ex nare utroque frontem versus, magis magisque patent. In multis coeunt; in aliis vero seorsum semper manent. Crescunt, ut crescit aetas, ad extremam usque vitae horam †.

In infantibus enim ita parvi sunt, ut revera existere affirmare vix possis. Descendunt quoque in cellulam ethmoideam aliquam, cumque ea in nares aperiunt, et osse solido exculpuntur.

2. Sphaenoidales sinus rotundiores, et in utraque diametro non exigui; praeterea, ante sellam turcicam, et
quoque

† Monro Praelect.

quoque sub ea, imo et post eam, late in osse multiformi excavati, inque supremum narium meatum, antrorsum patuli sunt †.

3. Cellulae, alias dictae sinus ethmoidales; tres, quatuor, utrinque, aut plures, tenerrimae, et ex osse quoque effossae sunt. Quarum anteriores in medium, posteriores in supremum lateralem narium canalem aperiuntur.

4. Denique, sinus maxillaris vastus, et ante natum jam inceptus in osse maxillae peculiariter dicto excavatus est, et tenera lamina ossea undique clausus, ad medium meatum patet.

Omnes hi sinus recessusque tremores aëris, quales sonum faciunt, et accipiunt, et reddunt, et augment, et modulantur quodammodo. Inde luculenter patebit, quare necesse sit, homines nicotianae pulverem large et avide, ex longa consuetudine, in nares attrahentes, vocis suavitatem perdere, et verba rauca et gutturalia emittere.

Nares enim nunc quasi infarctae pulvere obstruuntur, nec per eas facile inhalatur aut exhalatur aër, cujus multa extant quotidie sub oculis exempla.

Si quis nunc me rogare vellet, qui sit, pulverem huncce in nares primo receptum fuisse? respondeo, Plantam in medicina solummodo usurpatam, longeque notam unguentis aliisque formulis priusquam naribus adhibitam fuisse ‡. Cum nautae et milites autem tandem, quibus initio frequentior istius herbae fuit usus, experimento didicissent, eam sibi esse pharmacon, et irritatione caput exonerare,

cito

† Vid. Haller. Elem. Ph.

‡ Vid. Magnen.

cito usus in nimiam et pravam consuetudinem degeneravit.

Porro, longe antequam in nares domestice hauriebatur, Indi, Peruviani, similesque gentes barbarae, in ignibus suis sacris, hostiae loco, utebantur. Hoc modo quoque fata dicebant. Praeterea, si navigantes tempestate in periculum perducti essent, ad tabaci pulverem, tanquam ad sacram anchoram, confugiebant: Eodemque ritu, quum periculis quibusdam evasissent, mimico gestu, dissonaque voce, veluti gratias agentes diis, pulverem in aërem projiciebant †. ‘ Usus hujus pulveris,’ dicit Hoffmannus, ‘ primum ad Italos venit, apud quos frequentissimus est; postea ad Gallos, et etiam ad ipsos Germanos, sese extendit, ita ut tabacomania jam multi laborent; et ipsa consuetudo talem pulverem fecerit pene cum aëre necessarium; plerisque inutilis, et superfluous, imo noxius est.’

Quod ad narium infarctionem nunc attinet; mihi esse videtur, non solummodo nares, sed quoque sinus hos nuper descriptos, eo repleti; nam, quamvis tortilis prorsus sit via ad sinus, quamvis item saepius ac diligenter nicotianae conspurcatores nasum emungere curent, tamen, quum pulvis tam levis tamque subtilis sit, et praeterea, inspiratione strenuissima, qua eum soliti attrahere sunt, inhalatur, necesse fit, ut qua detur porta ruat.

In antris maxillaribus proculdubio impactus repertus fuit, nec rationes satis validae mihi patent, quare in frontales pariter, aliosque sinus, penetret.

Putam nunc, si velis, nulla alia mala, praeter vocis suavitatem amissam exinde oriri, quam, ut omnibus innotescit,

P

pulvis,

† Vid. Magnen.

pulvis, post longum usum, creat; dehortari tamen id solum debet, aut, ad minimum, homines impellere ut parcius sibi metipsis indulgerent.

Porro, gravem et hircosum odorem illo utentes plerumque emittunt, olfactui aliorum omnino ingratum.

Denique, nimio et intempestivo ejus usu, pulchritudinem minuit, destruit; cutis colorem mutat, nasum totum externe subfuscum reddit, et interne, circumque narium alam, turpe quidem astantibus spectaculum. Unde Virgines Gallicae nobiles ab ejus usu abhorrent, nec nisi nupti eam usurpant: Praeterea, acritudo ejus superius labium saepissime decorticat, luteoque colore totam fere faciem deturpat.

Malum quoque non levius, sub quod laborant tales, superest ut recenseamus: Verbis, nimirum, articulandis difficultatem magnam sustinent.

Antea demonstrare conati sumus, quo liberius in sinus irruat aër, eo clariorem emitti vocem. Quicquid eos obstruit, literas nasales *m. n.* et *ng.* efferre nullatenus finit; et exinde quasi rauca evadit vox, aut tetra, qualis per nares vulgo transire dicatur.

Nunc, si ad quantitatem a multis quotidie sumptam respiceres, primo patebit intuitu, vocem multum corrumpi oportere. Refert enim Magnenus de quodam illi ipsi optime noto, cui tanta voluptas usus hujus pulveris fuit, ut unica die uncias quatuor naso suo perdiderit †. Hoffman quoque de alio refert homine, qui quotidie uncias tres ejusdem in nares attraxit.

Mihi

† Vid. Magnen. p. 144.

Mihi hodie noti sunt pauci, quibus duae indies unciae vix sufficiunt. Haud raro quidem observare datum est, unam eodem spatio consumi. Tanta certe quantitas non obstruere liberum aëris in nares transitum non potest; inde verba nasalia proculdubio emittentur.

Praeterea, non solum hoc modo vocem corrumpit nicotianae usus, sed, laesa interdum fit uvula, aut palatum, aut gula ipsa, et vocem et alias horum organorum actiones, veluti devorandi facultatem, multum impedit: Cujusmodi triste et lethale a tumore gulae exemplum nuper mihi relatum fuit.

DE DYSPEPSIA EJUS USU ORTA.

Ex plantae historia patet, eam narcoticam esse, quod item a quotidianis tentaminibus firmatur. Hinc, quum indies large intra nares recipiatur, ut in ventriculum illabatur necesse sit. Tonum igitur minuit, et functiones hujus organi admodum impedit. Etenim omnia narcotica universum corpus hebetant, nervorumque fibrillas ventriculi multiplices, et tenerrimas, ob commercium id intimum, quo inter se diversae corporis partes fruantur, afficiunt, et justo suo sensu privant. Saepissime quidem evomitur fuit pulvis, nec parca quantitate, et eundem dyspepsiam saepe creare plurima exempla demonstrarunt, varia quorum Cullenus ipse quotannis suis auditoribus, inter praelegendum, referre solet †.

Nico-

† Cullen. praelect. 1777.

Nicotianam delere famem veteres, hac de planta tractantes, nempe, Neandrum, Magnenum, aliosque, seculis fere binis abhinc, non latuit: Qui inter alias virtutes enumeratas huic proposito etiam eam laudaverunt. At naturam hujus rei veram male intellexerunt; et ubi eos damnare prorsus oportebat, ibi admiratione stollida et simplici stupuerunt.

Monardes nos docet, Indos ipsos eam usurpare ad sitim famemque sedandam, imo, ut putabantur, arcendam ad dies aliquot ne cibo potuve egerent, quoties peregre illis est proficiscendum per avia et loca inhospita desertaque, ubi cibis potusve vix aut ne vix quidem comparari posset.

Expeditiones quoque trium vel forte plurium dierum eorum milites suscipere dicuntur, et bene sustinuisse, sola nicotiana freti, qua variis utebantur modis.

Porro, obsidione Valentiae anno 1636, miles fuerat, qui inediam sustinebat septem dierum, ita affirmatur, globulis ejusdem devoratis, vires belli laboribus aptas conservans.

Indi vero dicuntur multo longius famem sitimque ea arcere ob id quod planta his regionibus fortior est. Sequenti modo praeparant; partes nempe aequales ejus et cochlearum quarundarum testas accipiunt, terunt, simulque commiscent; ficcant, in pilulas formant, et in umbra demum pro usu reponunt; iter per deserta locaque cibo carentia facturi, aliquot ex his assumunt, inter dentes reponunt, succumque assidue ex una alterave harum sugunt. Idem post intervalla quaedam repetunt per plures dies, omni quo tempore, nec fame, nec site, imo, neque lassitudine, ut fertur, per vias difficillimas iter facientes tentantur †.

Histo-

† Vid. Monard. Lopez de Gom. Oviedum, Benzoin. Delcchamp.
aliosque.

Historiam similem milites fide digni Magneno olim retulerunt, nempe, fescuncia nicotianae unica, biduum, sine cibo, aut potu, imo, sine horum desiderio, se transegisse.

Facile assentiri possum opinioni, quae docet, hanc herbam famem minuere, quum vi narcoticae polleat; sed parum verisimile videtur aut nutrire posse nicotianam, aut vires diu sustinere.

Homines vivere dies duos aut plures fortasse sine cibo queant; nullo tamen modo vigent; contra, vires citissime deficiunt, collabuntur.

Quum vero vires concoctionis herba haec minuit, simul cum nervorum vi, pari ratione itaque secretiones parcius fluere cogit; unde proculdubio serius cibi appetitus redibit.

Praeterea, ad hanc rem ulterius explicandum, calor ipse regionibus calidis, sicut Indicis, (neminem enim hoc latet), ad appetitum sedandum plurimum confert.

Denique, Indi, et milites in genere, inediae et laborum patientes sunt. His rite igitur perpensis, rei hujus ratio clare patebit; neque ad eam explicandam, ad mirabiles plantae hujusce dotes, in viribus, dum labores sustinentur, reficiendis, confugere licebit. Imo, Nicotius ipse fatetur, eam nullatenus nutrire, quamvis eodem tempore affirmat, (fortitan autem male), quinque ex ejus sociis, qui fumum non haurire potuerunt, laboribus periisse ‡. Vix tamen in hanc disquisitionem ut incamus res mereri videatur; at, cum non pauci sunt, qui pro usu ejus domestico argumentis hujusmodi strenue contendunt, eam his paucis obiter tetigisse aequum a nobis ducebatur.

DE

‡ Vid. Sir Hans Sloane's hist.

DE MUCI SECRETIONE.

Quandoquidem a multis laudatur nicotiana ad augendam e naribus secretionem, nec infrequenter diversis in morbis tum capitis, tum oëulorum, ad eundem finem praescribitur, paululum inquirere liceat, qualis sit hic secretus liquor, et quibusnam dotibus praeditus.

Mucus qui nuncupatus, non e naso solum, sed variis etiam corporis partibus secernitur.

Disputatur inter physiologos, utrum secretio sit propriis glandulis, et novus omnino liquor nascitur; an in sanguine prius existeret, ex quo tantum percolatur. Senac sua propria forma sanguini inesse tenebat, et per experimentum ad eundem finem institutum opinionem suffulcire conatus est, nempe, internam ventriculi cujusdam animalis (vitulae, ni fallit memoria) membranam obtuso cunctello rasit; ex quo tantam hujus liquoris copiam obtinuit, quod concludere illi aequum visum sit, non folliculis hujus organi, ullo pacto, tantam contineri quantitatem posse.

Quantum ad qualitates mucii manifestas pertinet; sapore, odore, et colore omnino caret: Viscidus est, adhaerens partibus quas tegit, quae omnium ejus dotum utilissima est. Cum aqua, testante Hallero, misceri potest mucus, inque ea prompte diluitur. A putredine omnino est alienus; nam conservatus per totum annum sine foetore mansit †.

In

† Vid. Haller. Ph. El. et vid. quoque Hom. praecet. Mat. Med.

In aquae superficiem natat, ergo aliquantulum minus ponderosus.

Chemica tentamina in eundem raro instituta sunt.

In calida induratur; in igne, in carbonis speciem amburitur †.

Lixiviosi sales, aut medii, non mucum, secundum Hallerum, solvunt.

Ab inventis Caroli Darwin eum in acido vitriolico solvi docemur ‡.

Solvitur pariter, tametsi tarde, fixi alkali caustici lixivio.

Maxima pars aquosa est; nam, si in vasis igni expositis recens mucus inditus fuerit, decima octava tantum pars, quae in vaporem non abit, manet. Quum oleum inest, quamvis parva quantitate, proculdubio ex eo naturam viscidam habet §.

Quamvis mucus ubique non ejusdem naturae est, hoc tamen commune possidet, ut lubricus humor sit, quo aëris, ciborum urinaeque via late obungitur; varias quidem teget partes corporis.

Mucus narium, qui ad nostrum scopum magis pertinet, omnium horum linimentorum spississimus est, et, ex arteriolis in minimas cryptas, et ex his iterum in sinus pituitarios, deponitur ||. Hae glandulosae esse videntur, et diversae forma et structura singulas indui. Attamen non in mente nunc est, de iis sermonem instruere; asserere fatetur, has non simplices solum, verum etiam compositas sese habere.

In

† Vid. Haller.

‡ Vid. Cull. First Lines, vol. 2. p. 220.

§ Vid. Haller.

|| Vid. pag. 39, 40. ubi describere tentavimus hos sinus,

In narium cavea, ubi sunt hi recessus et sinus pituitarii, ante descripti, mucī vis quidem magna reservatur; nec vero glandulae ullae illic reperiri queant. Constat igitur, liquorem hunc sine glandulis interpositis excerni posse, et tantum moram requirere post secretionem a sanguine, per vasa exhalantia, ut speciem prae se spissam ferat, officio suo a natura decreto bene simul fungens, nimirum tenebris minutisque nervis tuendis.

Praecipuus effectus folliculorum horum est, viscidiorē reddere humorem, quem statu fluido recipiunt. In nare omnino limpidus nascitur, et eam conservat naturam, coryza orta, cum e naribus magna copia diffluit, aut emungitur; tunc enim acrimonia nares sollicitat, neque finit eum, ut antea, commorari, ut idoneam tenacitatem adipiscatur. Haec spissitudo facit, ut ex his receptaculis, post moram debitam, acrimonia sua et copia, suum receptaculum potentius irritet, et vires inde evacuantes sollicitet.

Necessitas insuperabilis, qua ad sternutationem, tussim, &c. cogimur, nos monet, quam potens vis stimuli sit, quo humores, etiam mitiores, excretionem suam sollicitent, ut corpus hocce retento humore se liberet.

Ex his argumentis colligi potest, hosce folliculos musculari vi indui: At tempus nunc poscit, ut ex hac digressionē revertamur.

Certe ex praedictis, de indole ejus et partium natura, luculenter patebit oportere, quaecunque haec vasa aut folliculos stimulent, mucī excretionem quoque augeant; a qua actione tum bonum tumque malum non leve, secundum stimuli vim et durationem, oriatur.

Ad amovendam talem acrimoniam, et ut liberior mucī excretio

excretio fluat, aequè in bronchiis et pulmonibus et naribus, proculdubio instituit natura sternutationem.

Quatit plus quam tussis et corpus excitat: Et ‘ut tussis ab irritatione glottidis, tracheae, bronchiorum, pulmonis, sic sternutatio ab irritatione membranae narium oritur, raro a sympathia, cum remotis partibus, parit ac tussis ratione, causam irritationis summovet, abstergit, et corpori igitur saepe prodest. Aliquando nocet, scilicet, si nimis vehemens fuerit*.’

Cum sternutatio tam utilis saepe reperiatur, multi errhinis frequentius usi sunt, maximum inde commodum expectantes. Inter alia, hoc proposito, saepissime usurpatus fuit tabaci pulvis, contra capitis dolores aliasque affectiones†: Nec dubito quin plus semel utilia reperta sunt sternutatoria. Non vero omnibus innocua evadit sternutatio; quippe quae plethoricis, et illis vasa sanguifera aut in ventriculo, aut pulmone, aut etiam in naribus rupta habentibus, pessima evadere oporteat; nec desunt exempla ubi citissime lethalis fuit‡.

Detur vero maxime utilem esse: Nullatenus inde expedit sternutatoriis semper uti.

Qui tabacum in nares attrahunt propter vim ejus stimulantem, oblivisci videntur, omnia stimulantia effectus suos consuetudine perdere, utpote indies usu hebetiores fiunt nervi; nam quaecunque heri vehementer stimulaverunt, hodie, aut forsan postridie, ne vix quidem nervos moverint. Haec universa corporis lex est. Igitur recte concluditur, stimulum nervis applicatum, fortiolem aut

G

debiliorem

* Vid. Conspect. Med. Theoret. auct. Gregorio junior. Sect. 554. et infra.

† Vid. Part. prim.

‡ Vid. Magnen. Hoffman. Sir Hans Sloane's hist. of Jamaica, &c.

debiliorem evadere, in ratione vis illius immediate antecedentis, cui corpus magis sese prius accommodasset, et assuetum fuisset. Hinc perspicuum est, stimulum vocabulum esse relativum, quippe quod substantia aliqua hodie irritans et stimulans, cras partes easdem nullo pacto fortasse movere queat.

Exempla innumera, si necessarium recitare duceretur, ad hoc corroborandum extant.

Qui enim amara quotidie sumunt, ut alium laxiorem habeant, dosin indies augere coguntur. Idem omnibus aliis corporis partibus, quantum mihi notum est, una, videlicet, excretionem diaphoreticam excepta, quae semper portionem medicamenti minorem ad effectus eosdem producendos poscit.

Haec mihi probare videntur, stimulantium nimium usum corporis functiones turbare et debilitare; ideoque, si detur, ut aliqui volunt, tabacum stimulum esse, quotidiano usu corpus laedere, sicut omnia alia stimulantia intempestive sumpta, oportet.

Nec ratione contrarium est, tum stimulantem tum sedantem vim huic pulveri attribuere.

Idem de opio, vino, aliisque hujus naturae constat. Omnes enim substantiae, intra corpus receptae, quaecunque sint, imprimis stimulare videntur, et vires sedantes, quasi effectus tantummodo secundarios, prodere. Atque hae fere semper fortiores aut debiliores erunt, consuetudine abstracta, in ratione vis stimuli. Et, quanto nunc ab harum aliqua incitatur, tanto, mox collapsa ineunte, deprimitur corpus.

Qui

Qui vini modicam copiam bibit, elevatur ; at, si nimium, soporatur. Idem per tabacum fit, quoniam ebrietatem inferre queat.

Tabaci pulvere utentes sedulo examinavi, ab iis rogans, ut me docerent, quales fuerunt perceptiones primo hoc fruentibus ; mihi multi revera fassi sunt, se imprimis, sola stimuli causa, herbam cupivisse, utpote perceptionem producere similem ei quae a potu generoso oritur, et eodem tempore auctam muci copiam e naso eliminari, dum caput leviter afficiebat, atque corpus paululum calefaciebat. Tales vero effectus admodum fugaces fuere, ideoque iterum nasum alere inducti fuerunt.

Post longum vero usum, etiam hos effectus producere cessavit, dum repetere postea quodam mirabili desiderio coacti fuerunt, ut satis muci, ad membranam narium tuendam, secerneretur, utque certa perceptio ingrata inde orta tolleretur.

Imo medici nonnulli ipsi mihi dixerunt, se non posse eum relinquere, etiam si bene novissent hunc pulverem valetudini magnopere obesse.

Probatum antea fuit, ventriculum tabacum debilitare : Sed, quum sicut stimulus perbrevis agit, sumitur etiam quasi contra seipsum antidotum, quod non mirum omnibus apparere non potest.

Plerique igitur inter prandiendum pulvere utuntur, ut appetitum deficientem et languescentem paululum inde reficiant.

Notum bene quoque nunc est, acida, et fortia condimenta, post longum usum, sedantia evadere, tonum ventriculi simili modo laedentia. Sed plerique iis assueti nullatenus laute prandire possunt, sine tali stimulo ; semper enim per tempus breve ventriculum excitant. Idem, ut opi-

nor, tabaci amatoribus experitur; ambo hocce organum laedunt; et ambo quasi antidota contra seipfos avide petuntur, i. e. contra effectus malos ab eorum nimio usu ortos.

Difficillimum tamen explicatu invenietur, quare desiderium eadem stimulantia repetere ex usu indies crescit; unde consuetudo insuperabilis formatur.

Si sitis, fauciumve siccitas, aut fames percipiuntur, certa incommoda sentit homo, et ad ea statim, quae antea amovere talia expertus est, iterum recurrit.

Singuli appetitus, ex absentia alicujus rei qua antea frui simus, oritur, et ab eodem fortasse fonte omnes irregulares appetitus profluunt: Inde crescere videtur spiritus ardentes bibendi cupiditas, ut et usus immodicus tabaci. Iis dum abstinere assueti, nescio quam debilitatem et anxietatem percipiunt; et stimuli quondam dati memores, ad eum, utrum poculum, utrumve tabacum fuerit, sese recipiunt.

E X E M P L U M.

Quaedam, dicit Professor clarus Cullenus †, familia illi bene nota est, quae, circiter primam pomeridianam horam, spiritus ardentis cyathum potare assueta. Si a domo ut abesset accideret, ubi non, ut solet, bibere datum esset, perceptiones incommodissimas totum reliquum diem experiri solebat. Frustra monuit ille a consuetudine tam prava desistere; jacta fuit alea, irrevocabili consuetudine devincta fuit. Imo, tam necessaria nunc tale meridianum poculum factum est, ut pergere, salatis causa, atque potare quotidie cogatur.

Nunc, si inquiramus, quo sit, ut repetitio ejusdem herbae

tam

† Clin. Prael. M. S.

tam avide cupiatur, se offert eadem responsio, scilicet, quod perceptio similis ingrata oriri eo utentibus videatur, ad quam amovendam, iterum iterumque pulverem requirunt, hauriuntque, quoniam stimulus exinde ortus et nasum titillans subito transit, dum repetitio indies etiam fortior et crebrior postulatur.

Hebetiores quoque fiunt nervosae narium fibrillae, unde quantitas mucis satis larga non secernitur, ni hoc pulvere in horas stimulentur.

Porro, plus sanguinis, ut videatur, longo nicotianae pulveris usu, ad vasa narium sanguifera derivatur, quo melius suppeditetur haec larga mucosi liquoris copia.

Num redduntur vasa narium tabaci pulvere ampliora? Si verum hoc sit, majorem nempe sanguinis vim in ea semper revocatam esse, tandem ea ampliora reddi necesse videatur, sicut aliis corporis partibus accidit, quando, propter vulnera, &c. ubi vasa majora destruuntur, major sanguinis rivus, cursu pristino mutato, ad minora vasa fertur, a quo tandem multo ampliantur.

Ex his intelligere possumus, quare oculorum inflammationes, dolores capitis, &c. affligant, si forte hicce pulvis omitteretur, quem tales per multos annos antea attrahere soliti fuerunt. Quibus in casibus, ultra dubium eum repetere debet aeger. Nam in sententiam Hippocratis non inire non possum, scilicet, ‘a multo tempore consueta, etiam si fuerint deteriora, infuetis minus turbare solent †.’ Consuetudo igitur est natura arte contracta. Si quis autem de consuetudine plura videre vellet, inspiciat dissertationem inauguralem satis nitidam

auctore

† Vid. Hippocr. aphor. sect. 2. aph. 50.

auctore Culleno, filio, cum hac nostra nunc in lucem edendam, ubi exempla multa praeclara de vi ejus extant.

Si nunc me aliquis interrogare vellet, an unquam usus pulveris hujus, aut aliorum stimulantium ad nasum applicatorum, utilis fuerit? respondeo, certe exempla sunt, ubi plurimum boni praestent ad sanitatem fractam servandam, scilicet, quum minori justo copia mucus e naribus fecernitur, et inde non bene teguntur hujus organi nervuli. Duo talia exempla ipse novi, ubi cum commodo nicotianae pulvis usurpatur; sed rara sunt talia, neque mihi videtur usum errhinorum indiscriminatum bene inde suffulciri posse.

Quum tamen antea probatum fuerit, tabacum dotibus perniciosus gaudere, quae fere semper pessimae, post longum herbae hujus usum, corpori humano fiunt, si mihi liceat, ad alia errhina, loco ejus, sese recipere homines hortarer; et inter quae, optimus fortasse pulvis, his proximis annis, notus, vulgo in officinis nunc prostat, viz. *the British herb tobacco* dictus, quippe quia ex herbis fatis innocuis, si recte de eo didicerim, componatur, neque, quantum adhuc expertum est, effectus mali ex ejus usu producuntur, neque consuetudo prava inde sequitur; quoniam, post longum usum omitti queat, sine ullo incommodo aut prurigine ad repetitionem. De hoc certior omnino factus sum a quodam diu pulvere hocce utente, et qui, ob ophthalmiam pessimam cum successu bono eum incipiebat; morbo vero evanescente, ejus usum semper relinquens. Cum autem, ut frequenter accidit, recrudesceret morbus, simili prospero eventu iterum ejusdem pulveris usum repetit.

Alterum

Alterum malum infert pulvis nicotianae, olfactus nimirum diminutionem, depravationem.

Multae sunt substantiae intra corpus receptae, quae in nervos solummodo agunt, fibrillae quorum, ut omnibus innotescit, acutissime sentiunt: Et inde etiam vires tantium rerum, quaecunque sint, oriuntur. Nec magis acutus est sensus ulli corporis parti, quam narium nervis, ubi mirum in modum per membranam Schneiderianam innumeri sunt dispersi.

Nam olfactu de viribus, aut noxiis aut salutaribus, ciborum monemur, nec non de variis vaporibus quae per aëra volitant.

Quod ad olfactus ulterius attinet; variabilis inter homines est. Diversi enim diversis placent odores. Difficillimum hoc explicare reperietur. Haller, qui eo sensu multum invaluit, caseum vel carnes, quanquam leviter putridas, allia, et quicquid fuit in odore paulo intensius, detestabatur †.

E contrario vero, qui, ut idem dicit, nicotianae pulvere, vini potu, organa narium obtundunt, tales odores graves facile ferunt.

Quicumque odore graviore diu assueti sunt, odores debiliores percipere non bene possunt; et lex naturae haec quoque esse videtur. Imo res patebit ex his observandis tabaci pulvere utentibus. Nam, si rosae aut aliarum herbarum suavium effluvia captare tentent, intra nares fere herbam odoriferam infigunt, eodem tempore strenuissime inspirantes, priusquam effluviū ejus percipere queant; et tum etiam leviter tantum, quoniam minus graveolentiam quam tabacum prodit, cui diu inspirare soliti sint. Praeterea, non
hebetior

† Elem. Phys. tom. 5 p. 171.

hebetior solum reditur olfactus per nicotianae usum, verum exempla etiam extant, ubi prorsus abolitus fuit, quod a scriptis Magneni probatur, et singulum hujusmodi exemplum intra meam quoque notitiam antehac venit.

Nonnunquam, ut fertur, haemorrhagiam narium inducere videtur pulveris nicotianae usus; cujusmodi exemplum nuper mihi etiam relatum fuit. Forfan hoc potius accidebat, propter ad haemorrhagiam praedispositionem; aut fieri quoque queat, ex aliis materiis, veluti e vitro ad pulverem levem redacto, nicotianae pulvere admistis, quibus, ut nonnulli volunt, interdum hujus pulveris venditores, ad eum acuendum, immiscent.

Quaquam antea concedebatur, pulverem huncce inflammationes, pro tempore, oculorum amovere; nihil autem certius est, quam usum ejus nimium magnopere visum hebetare. Atque ratione quoque consentaneum est, stimulum ita potentem assidue nervis vicinis applicatum, functionem hujus organi multum corrumpere.

Lippi item plerique horum fiunt; particulas enim nicotianae acres, tam frequenter circum oculos volitantes, in eos haud raro incidere oportet; hinc irritentur, et fortasse nonnunquam inflammentur. Qualicunque vero modo explicationem admittat, res ultra dubium non raro est.

Ab Hoffmanno asseritur, non tantum somnolentia, sed etiam apoplexia, nonnullos correptos fuisse, a nimio hujus pulveris copia; cujus memorabilia sunt bina exempla a Josepho Lazano relata †.

Primum de cive Farrariensi, qui ex nimia ejus quantitate assumpta coma somnolentum tam potens contraxit,

ut

† Vid. Misc. N. Cur. Dec. I. an. 2. obs. 131.

ut neque ab acclamationibus domesticis, neque ab alio ullo remedio expergisci potuit, sed in cubili sedens omnino stupidus et immotus manserit, donec tandem septimā die extinctus est.

Alterum horum exemplorum de quodam satellite fertur, ob continuam tabaci pulveris assumptionem, a phrenitide misere interempto.

Quando inter gustum et olfactum intima intersit connectio, fieri non potest, quin tabacum hunc sensum quoque laedat.

Hoc facile concedetur, si lector secum perpenderit quae antea dicta fuerunt, scilicet, pulverem hunc per regulam in ventriculum illabi, et ab ore exinde saepissime expui. Tonum totius corporis magnopere quoque minuit immodicus et longus hujus pulveris usus; imo paralysis eum secuta fuit.

Juvenis egregius, nostri Culleni filius, qui una mecum pro honoribus in medicina summis nunc candidatus est, mihi nuperrime affirmavit, se quosdam novisse levi paralyfi, praecipue manuum tremoribus, correptos fuisse a pulveris tabaci usu solo intempestivo; et a suis ipsis observationibus prorsus se certum factum fuisse dixit, pulverem hunc multo magis genus nervosum laedere, quam aut foliorum manducationem, aut fumi ejus in ore succionem.

Hae cl. juvenis observationes omnino cum his illustribus Ringelii conveniunt, qui, testante Withers, saepissime notavit, intra longam et multam praxin, pulverem huncce nervorum atonias, manuum tremores, memoriam laesam, et nonnunquam quoque paroxysmos leves paralysis producere †.

H

His

† Vid. Withers on use and abuse of Med. p. 273.

His nunc de pulvere tabaci peractis, luculenter patebit, quam stolide faciunt qui primo eum inconsiderate appetunt, sola consuetudine hominum quibuscum versantur inducti, nullaque necessitate coacti. Abusum pulveris hujus, qui apud tempora Hoffmanni quoque plurimum increbruit, illustrissimus ille medicus in silentio non praeterivit. ‘Tanta,’ dicit ille, ‘increvit intemperies nonnullorum, ut mira consuetudine, vel imitatione, aut auctoritate aliorum inducti, tale pulvere nares perpetuo vexare et irritare videantur, ut etiam inter mutua colloquia, conventus, et caenam, deesse aliquid humanitatis credatur, nisi quis pixidem suam, qua servare pulverem ille solet, singulari officio, et inserviendi ejus sanitatem studio, alteri offerat ad muci officinam purgandam †.’

Si quis autem secum decreverit plantae usum omittere, ne temere id faciat, praesertim si diu eo usus fuerit.

DE SECUNDA METHODO TABACI UTENDI.

Alter est modus eo utendi, nempe in os fumum ejus inhauriendi, nec minus est nocuus, imo saepe multo sanitati deterior.

Tabaci olim usu superstitiosa fuit consuetudo aequae fumo ac pulvere. Indi eo fata praedicebant. Audebant etiam bellum aut pacem suadere, prosperam aut infelicem expeditionem, tanquam e tripode, eo quoque praedicere; et sic ope ejus fumi res futuras explorare ‡.

Ad

† Vid. Hoffman.

‡ Vid. Magnen. p. 92.

Ad talem insaniam imo venerunt Barbari, ut, suos deos hoc fumo dilectari existimantes, sua fana eo implerint *.

Primo sacerdotes, hoc consilio, fumo usi erant †. At, cum non cuivis sacerdotem consulere fas est, praesertim si mercedis copia vacet, plebei etiam privati fumum ejus inspirare ausi sunt, cujus deinde comperta vis usum ejus familiarissimum reddidit.

Duplici, ut videtur, proposito, ita agebant, nimirum, *primo*, ut futura praenoscerent; *secundo*, ut variis insomniis dilectarentur; et, qualia ab ebrietate, talia ex abusu tabaci oriri comperierunt.

Hispani, inter barbaros eos gentes versantes, primo ab eo prorsus abhorrebant ‡. Nonnulli tamen eorum in angustiis itinerum deprehensi, omni deficiente anona §, Indis suadentibus, tabacum tentarunt, et illius usum. cum experti essent, aliis commendabant; unde a nautis militibusque usus ejus primum incepit.

Morem tamen fumo utendi in Europam invexere Angli, postquam Virginiam detexissent. Et celebrem illius usum fecit Drake, insignis his diebus nauta. Post Anglos, usi sunt, ut aiunt plerique, Belgae et Batavi.

Ita de origine fumi hujus plantae auctores scripserunt.

Vulgo quoque creditur, Gualterum Raleigh, Equitem, primum omnium tabaci fumum in Anglia hausisse. Nam redux ab America, morem vulgasse dicitur. Antiquior tamen,

* Harriot. in Virgin. Descript.

† Vid Sir. Hans Sloane's Hist. of Jamaica, &c.

‡ Vid Topaz. de Hist. Ind. Orient.

§ Fructus quocum hi vescabantur.

tamen, ni fallor, mos esse videtur; quippe quod a Plinio asseritur, suo tempore, haustum fuisse, non pro luxuria quidem, sed pro medicina. Nam tussi pertinaci ille ipse fumum commendat, aegros monens, ut per calamum in os haurientes eum deglutirent, et simul vini paucillum ex uvis aridis parati, inter singulos fumi haustus, forberent †. Imo, quanquam veteres scriptores ante Plinii tempora prorsus filuissent, vix credibile esset, ejus usum ignotum latuisse usque ad tempora Raleigh.

Usum nicotianae fumi indigenis mundi antiqui communem, aut etiam notum, nullatenus affirmo. Sat erit ad probandum morem hauriendi fumum multo vetustiore extitisse, si probabile reddatur, aliarum herbarum fumum inter mortales tunc invaluisse.

Notum est, morem eundem inter Asiae et Africae incolae hodie universe valere; neque verisimile est, hos semper tenacissimos morum a majoribus suis traditorum, tam subito iniisse novos ab Europa translatos.

Ingeniosus Curtis, de re herbaria Londinensi scribens, sequentem profert conjecturam: ‘ Countries thinly inhabited are much infested with gnats. Travellers tell us, that the northern Asiatic Tartars constantly carry on their arms, during the summer, a pot of burning touch-wood, sometimes prepared from the root of colts foot, to defend themselves by the smoak from the annoyance of these insects. It is probable one more ingenious than

† Plinius, de Tussilagine scribens, haec habet verba: ‘ Hujus aridae cum radice fumus per arundinem haustus et devoratus, veterem sanare dicitur tussim: Sed in singulos haustus passum gustandum est.’ Vid Plin. tom. 2. p. 394.

‘than the rest, contrived to keep this fire alive by a communication with his breath, and this expedient, by degrees, produced a tobacco pipe †.’

Multi forte quaesiverint quare homines prae aliis plantis tabacum selegerint? respondere proculdubio liceat, propter propensionem generis humani ad ebrietatem. Quippe cum primum id gustavere, atque effectus ejus inebriantes experti sunt, eam herbam prae aliis omnibus praeferrent. Omnino vera sunt verba Hans Sloane Equitis: ‘In all places,’ dicit ille, ‘where it has come, it has very much bewitched the inhabitants, from the more polite Europeans to the barbarous Hottentots ‡.’

Forte etiam hic mos primo contra infecta noxia, veluti praesidium, susceptus fuit, mox vero inter omnes fere gentes luxuria sensim evasit.

Dignum observatu est, eo immodice utentes ad ebrietatem aliis magis proclives esse. Observatores facile hoc agnoscunt; dum enim bibitur, nicotiana maxime appetitur aut fumo, aut pulvere, sicut antea sese assueverant. Immo sunt, qui dicunt, tales magis aliis ad venerem dedicatos esse. Si hoc vero quadrare repertum fuerit, in sententiam Regis Jacobi inire liceat, qui haec habet verba: In convictu urbanitas; in lupinari falacitas, tabaco, ut cote, acuitur §.’

His de more antiquo fumum fugendi peractis, inquirere paulisper nunc forte non abs re erit, quinam sint effectus in corpus humanum inde producti?

Si

† Vid. Flor. London auct. Curtis.

‡ Vid Hist. of Jamaica, &c.

§ Vid Misocapn. auct. Reg. Jacob.

Si nasum pulvis stimulet, et mucum majori copia eliciat, non minus fumus os fontesque salivales movet; unde saliva pleniori rivo fluere faciat.

Large a fumi fugentibus hic liquor expuitur, ex quo morbi varii oriuntur, quippe qui haud sine magno detrimento systemati humano dispenditur.

Ab experimentis quibusdam a Pringelio institutis, constat, salivam multum retardare atque cohibere fermentationem †; et exinde quoque aciditas moderatur, quo flatus et dyspepsia bene a natura ipsa restringuntur.

Summa salivae dignitas manifesta erit, si animum ad animalium omnes classes vertamus. Nulla enim classis ea caret, et eo copiosior datur, quo sicciore et difficiliore cibo animalia utuntur. Hinc manifestum est, salivam digestionem opitulari. Constat igitur, eam non sine detrimento corpori, praecipue concoctioni, expui, quod, ut omnibus liquet, est tabaci fumi vitium. Imo macies producta fuit ex solo abusu spuendi.

Vulgo notum, Indos ipsos famem suam compescere partim jactura hujus liquoris, et partim a tabaco; quo fine fugere ejus fumum solent. Boerhaavius ipse in se expertus est, nullo tabaco uso, famem sublatam esse cum omnem salivam expuisset ‡.

Porro, jacturam salivae detrimento non parvo corpori fieri

† Ab ingenioso Perceval, Hiberno, hoc experimentum repetitum fuit, atque maxima cura, et simili omnino eventu cum illustriss. Pringelio.

Ipse quoque idem periculum, ut meipsum de eo certiore faciam, repetivi, et simili successu. Lis igitur inter M^rBride et Pringelium dirimi, atque hunc palmam mereri, videtur.

‡ Vid prael. Boerh.

fieri quoque patet ex eo, quod semper fitim infert: Et hoc illis praecipue facit, quibus tabaci fumus avide et abunde hauritur. Hi inter eum fugendum enim plurimum sitiunt. Hoc non ex observationibus meis solis affero, sed quoque ex illis aliorum.

Exempla producere potui, si necessarium esset, ubi inter fumigandum, ut sitis restringatur, aquam plurimam semper bibere, partitis vicibus, coacti fuerunt tabaci fumi amatores. Neque illustrem Van Swietonium latuerunt tum hujus herbae, tum jactura salivae mali effectus; nam, cum de parocho illo loquitur, qui se, ut antea memoratum fuit, liberum a peste servare dicebatur, per sputationem salivae solam, quotiescunque in cubiculo aegrorum versabatur, subjungit, ‘ Saepe tabaco abutentes obstru-
tionibus viscerum abdominalium afficiuntur †.

DE DYSPEPSIA FUMO INDUCTA.

Priore parte hujus dissertationis dixi pulverem dyspepsiam inferre. Plantae fumus nimia copia haustus non minus ad eundem finem conducit. Imo id non fieri non potest, quum tanta salivae jactura, ut nuper dictum, ejus succionem sequatur.

Nullus quidem morbus chronicus plus his in regionibus nunc invalet, atque aequè inter plebes ac ditiores late pervagatur, quam dyspepsia. Utrum vero ad coelum, aut ad morem vivendi, et simplicitatem victitandi neglectam, aut ad artes varias sedentarias, quibus tot
homines

† Vid. Comm. in aph. Boer. tom. 5. p. 175.

homines miseri occupantur, aut ad haec omnia simul conjuncta, res referenda sit, nescio.

Vulgo herbae hujus fumum homines fugunt ad flatum, ut dicunt, expellendum : Male vero, me judice, faciunt, quum plerumque flatus ex ventriculi atonia oriatur.

Praeter dotes salivae antea recensitas, vim quoque stimulantem possidet; unde per ejus dispendium plurimum laxatur ventriculus.

Praeterea, nicotiana inter narcotica stat, et haec omnia vim tonumque ejus destruunt.

Non abs re fortasse erit verba Hoffmanni de fumi nicotiana dare.

‘ Tu vero expectas a me judicium de fumi usu illo quotidianiano? Audiavi ab amico ex Anglia reduce, serenissimum Regem Jacobum II. publice in academia Oxoniensi disputasse contra hanc fatuitatem, ostensis exemplis illorum, qui laborassent quidem diu insanabilibus pectoris morbis, deliriis, insomniis, convulsionibus, &c. Post mortem autem inventi fuerunt pulmones habuisse totos nigros, et retorridos, non secus ac si fumo indurati essent. Audiavi a militibus in Belgio versatis, vidisse se dissecta capita eorum, quibus patera cerebri ab anatomicis dicta, tota interius esse nigra, licet a carnifice interiissent. Audiavi a patricio Norico, qui, in superiori bello Bohemico, videt omnes qui in conflictu cum hostibus interierint Anglos, habere talia capita. Hinc discant sapere illi qui sapere alias nolunt †.’

Dum tamen haec de usu ejus tradidi, concedere me decet, morem nunc multis Angliae partibus non, ut quondam, tam universe invalescere.

Triginta,

† Vid. Hoffm. p. 261, Sect. 30.

Triginta aut quadriginta quidem annos abhinc, ita increbuit, tum inter plebes et urbanos, tum in rure et in oppido, ut domicilium intrare haudquaquam potuisses, quod expers graveolentis ejus odoris fuit.

In multis vero hodie Angliae locis, plebs ipsa ab herba abstinent; hoc ex auctoritate generosi cujusdam assero, variis Angliae partibus bene versati, morumque populi satis studiosi.

In aliis autem locis regni adhuc mos plurimum viget, praesertim regionibus insulae septentrionalibus prope Scotiae confines.

Multi quoque, propter graves et diuturnos animi affectus, veluti moerorem, ad nicotianam confugerunt, non secus ac alii ad vinum, ut sic curas depellerent, et in hoc modo consuetudinem hanc malam contraxerunt. De hoc multi mihi ipsi facti sunt, cum nimis sero comperiissent amissam ab tabaco valetudinem. Varii alii certe sunt modi, quibus curas et moerores levare tentent homines, neque minus efficaces, quos rectius faciant, si tales, loco ejus, experirent. Sed non nunc meum est eos indigitare.

Inter multa fumi hujus mala, bonum extat unum, quod, quamvis levius, me tamen de nicotiana tractantem recitare oportet; i. e. insecta inde commode suffocari posse, si herbam incendas. Nam cubile culicibus infectum facile fumo hocce expurgare queas. Nihilominus, nicotianae fumum, fatemur, herbarum aromaticarum fumo, praesertim tussilaginis farfaris, vix palman praecipere posse.

Urbes fere semper, ubi domicilia confertim struuntur, his insectis infestantur. Igitur, hoc sine, si opus sit, libere incolae tabaco utantur.

DE TABACI MANDUCATIONE.

Tertius modus nicotianam usurpandi, et quidem pessimus omnium quod ad sanitatem, professore Culleno judice †, est foliorum manducatio. Largae salivae copia inde item disperditur, ex qua jactura homines emaciari dicuntur; exemplum cujus relatum habemus a Borello ‡, Imo, quantitas hujus liquoris multo major per manducationem, quam per sumum ipsam, expuitur. Probare supra conatus sum, nicotianam appetitum delere partim dispendio salivae, et partim vi sua narcotica.

Indi hodie, atque olim, hoc solo proposito herbam abunde masticavere.

Professor Home, de saliva tractans, autumat eam stimulantem vim possidere, unde oritur, illo judice, famis sensatio. Ventriculo vacuo, larga hujus quantitas deglutitur. Satis stabilitum hoc esse vir illustris putat, quoniam tumores saliva solvit, si externe applicetur §.

Certum est, quod, si in cuticulam manu eam infrices, levis calor partis sentitur. Nunc si vis stimulans ei concedatur, tunc ventriculi atonia in ratione majoris copiae ejus exputae erit, quippe quia is stimulo hoc necessario carebit; unde jactura ejus famis sensationem minuet.

In regionibus calidis, universe et large incolae utuntur tabaco; cujus rei ratio me latet, et consuetudini fortasse attribuenda est.

Buffon

† Praelect. de Dyspepsia, 1777.

‡ Vid. Opera ejus.

§ Praelect. Mat. Med.

Buffon ipse nos certiores facit de usu ejus in talibus mundi partibus, dicens, ‘On the south banks of the river Senegal, the Negro women have the tabacco-pipe perpetually in their mouths *.’ Atque etiam idem, de Egyptis tractans, quoque affirmat, ‘Their chief employment through the day is drinking coffee, smoaking tobacco, and chattering in the streets †.’ Sed quod ad tabaci manducationem pertinet, Bontius non ejus usum solum, verum aliorum acrim masticatoriorum damnat ‡, qualia sunt *betele* in India Orientali multum usurpata, atque *ricinus Americanus*, &c.

Masticatoria dentes quoque laedunt; et idem de his haec habet verba. ‘Ego masticatorium hoc, i. e. *betele*, longe antefero fumigio tabaci; verumtamen ipsius longus ac continuus usus (ut hominibus hic mos est),’ i. e. in *India*, ‘non solum dentes erodit, sed etiam excidere facit. Imo, non semel vidi aliquos, qui nondum juventutis terminos egressi, omnibus dentibus carebant ob usum beteles. Hinc etiam videas Indos rariores ostendere dentium ordines. Moderatum usum pro dentifrico, ac ad commendationem halitus oris laudo; caeterum abusum, non minus ac *tabaci*, vitupero §.’

Inde patet, quam parum aestimabat Bontius hanc plantam, aliaque masticatoria.

Tabaci manducatio, praesertim regionibus calidis, trepidiores quoque manuum, cum ventriculi aciditate pariter
ac

* Vid. Buffon, vol. 3. p. 142. transl. by Smellie.

† Ibid. Vol. 3. p. 114.

‡ Vid. Bont. de morb. Ind. Orient.

§ Ibid. p. 6.

ac ejus pulvis, inducit. Exempla cujus pauca, quæ aliquot abhinc annos in India Occidentali accidebant, nuper mihi a viro qui eas affectiones ipse exinde passus, relata erant.

Hoc malum gravius esse observabatur, quoties herba mane gustabatur; atque quod exinde oriebatur morbus, luculenter demonstratum fuit, ab salute ejus prorsus recuperata, tabaci masticatione relicta.

An peiores effectus calidis plagis quam frigidis edit hujus herbae usus? Ibi homines debiliores et laxiores a natura sunt, et facilius igitur forsan afficiuntur.

Sed sub frigidum coelum nullatenus spernitur: Hoc patet tum ex moribus Laponum, tum ex indigenis montium Caledoniae septentrionalis. Quod ad primum, audi Buffon. ‘The Laplanders hunt the ermine, the lynx, the fox, and the martin, and barter their skins for brandy and tobacco †.’ Et, quod ad secundam assertionem, ex auctoritate viri ingeniosi, indigenae hujus regionis, et qui totam fere hanc terram iterum iterumque peregrinavit, affirmo ‡.

Huc usque morbos ab nicotianae usu ortos obiter tractavimus; de manducatione ejus vix necesse videtur ulterius rem tangere, propterea quod eadem fere mala ac fumo atque pulvere oritura sunt, non tantum propter succum frequenter deglutitum, verum etiam propter magnum salivæ dispendium.

Observare

† Vol. 3. p. 61. Smellie.

‡ Ex auctoritate nempe editoris et interpretis libri cujusdam, Caledonian Bards, dicti.

Observare autem liceat, rotulorum ejus manducationem dentes nigredine quoque obducere, atque tandem eos, herba diu usitata, erodere.

Inter plebes, ubi indies invalescit tabaci utendi his omnibus modis consuetudo, vix minus anxie quam cibus ipse cupitur. Quanquam multi pauperes miseri pretio cibi quotidiani pene vacent, a suo parco alimento tamen detrahunt, ut herbam emere valeant; neque insolitum est eos exclamantes audire, sese semel indies tantum vesci contentos esse, atque vilissimo quoque cibo, potius quam tabacum abstinere cogi.

Attamen, hac disquisitione de morbis ab usu tabaci facta, aurem mihi vellit amicus. ‘Cave, multi hodie existunt, qui infracta sanitate adhuc potiuntur, quanquam per quinquaginta etiam annos, aut id manducavere, aut pulverem naribus farserunt, aut forsan omnibus his modis simul herbam consumpserunt.’

Hoc verum esse haudquaquam negaverim; nullatenus vero doctrinam meam a ratione multisque exemplis suffulcitam eruet.

Nam tum viri tum mulieres sunt a natura constitutionibus ita praediti, ut nec tabaci usus, nec aliae fere praedisponentes ad morbos causae, quamvis satis fortes, efficere queant. Dum, contra, delicati, debiles, valetudinarii, quorum genus nervosum plus justo sensibile est, immunes nunquam ab ejus usu immodico evadunt.

Si quis tamen, quod haud tam infrequenter accidit†, malignitate ejus, primo morbis inde variis inductis, demum moriatur, mors nequaquam huic herbae ascribitur; quoniam
studioſi

† Vid. Ximen.

studiosi semper mortales fuere sua vitia celare, et delicias istas depravatas vi fere et armis defendere. Quare, cum Beclero, dicere necesse sit, ‘ naribus tabacophilis, et ‘ fumibibulis suam relinquimus consuetudinem incorrigi- ‘ bilem †.’ Eodem vero tempore non finem facere possumus, sine admonitione Regis Jacobi, hac de planta tractantis, tabaci amatoribus referenda; cui, si obtemperarent, certissime ad sanitatem multorum plurimum conferat.

‘ Tandum igitur, o cives,’ monet serenissimus auctor, ‘ si quis pudor, rem insanam abjicite, ortam ex ignominia, receptam errore, frequentatam stultitia; unde et ira ‘ numinis accenditur, corporis sanitas atteritur, res familiaris arroditur, rem visu turpem, olfactu insuavem, cerebro noxiam, pulmonibus damnosam, et, si dicere liceat, ‘ atri fumi nebulis tartareos vapores proxime representantem.’

* * * * *

Ad metam jam perveni; et dissertationi finem tandem daturus sum, quam variis maculis multisque erroribus scatere profiteri non haesito. Sed ab argumenti natura, in hac academia prorsus novi, spero me a lectoribus benignissimis excusatum iri. Ostium ad hunc tractum vix adhuc intratum est. Non vero despero alios videre, quorum ingenia late prae nostris praepolleant, viam clariori in luce posthac recludentes, viresque hujus
herbae

† Vid. in Cynos. Herm. p. 544.

herbae ex usu ejus communi perniciosas, luculentissime demonstrantes.

Restat nunc tantum, ut a studiis discessurus, Professoribus gratias quam maximas ex animo agam. Floreat Academia Edinensis ! floreat medicinae cultura ! Ab hisce meis praeceptoribus eruditissimis multa beneficia, per quadriennii spatium, intra aedes academicas commoratum, recepta, me reticere omnino nefas esset ; prae te autem, Gregori, illustris juvenis, eruditissime Professor, patris, heu, qui fuit ! vestigia arctissime premens, neminem mihi cariorem habeo ; et tuae erga me benignitatis, morum comitatus, multique hospitii, olim meminisse juvabit. Neque sub coelis aliis nomen tuum alienis a me commemoratum, sine sua merita laude, manebit.

F I N I S.

TABULARUM EXPLICATIO.

T A B. I.

Herba Nicotiana.

T A B. II.

Fig. 1. Instrumentum Clysm. Gaubii.

A. Pixis tabacina.

Fig. 2. Idem instrum. ab Aiken reformatum, ubi apud A.
instrum. clysm. commune circum follis extre-
mitatem ligatur.

Fig. 3. Instrum. ligneum Berrhenbroeckii.

A. Pix. tabacin. stanno intus munita.

B. Papill. lignea, aut epistomium, per quod
claudatur instrum. ne exeat fumus.

Fig. 4. Syrinx Monroiana.

A. Duplex ejus papill.

B. Extremitas syringis qua inferitur tubus flex-
ilis, C.

D. Pix. tabac. cujus extremitas a. In syringis
papill. apud E. Inferitur.





